



東選品節寅

表箋中





東選品節表箋

幸學命講經諸生謝
并難題表○成上田

恭惟謂大學為禮義之本三代共尊而仲尼

乃帝王之師石世同敬遂追先代已行之典因發聖人獨見之明

申飭官司新修禮度尊德樂道屈至貴於賢闕引儒講經極

深源於聖闡下逮微臣之輩輒陳請問之辭如蓬撞鍾固難

窮於聲韻以蠡測海曷得際於洪深但親日月之照臨頓釋

宵襟之疑惑伏遇天縱之能日新其德鼓舞四方體軋旋而坤闡

作成多士實魚躍而奮飛討論經文發明道妙臣等敢不勉

其不及講一所未聞游泳聖涯庶報生成之造翱翔藝苑敢忘教

育之恩○

諸生謝進齋
表○郭東珣

仕遇執衣高之爵廣文之聲誠則明矣既修致

廣大而盡精微神而化之固將一道德而同風俗當去聖之遠述
墜地之餘謂其所過者必化莫若以身而自先始至橋門屏去
警蹕乃升師室親奠豆觴仍命鴻儒俾陳大訓賜以廣座延
見漢博士之官飲以靈芹遍及魯諸生之列更紆玉色俯顧黌
堂博帶裋衣親奉翠華之下茅簷葦箔以留天日之光斧藻
儒林光華史筆臣等以費大烹殊無上報值萬世之幸會將
一人之宏休又謝幸學表鳴蹕下天駐杏壇之白日談經膝席擁闕里
之青衿竊以天下均是性也性非教化不明王道必由學乎學以經
術為本堂一日而廢此自三代以其之洪惟先代之右文高出百王
之稽古伏遇孝悌通神明儒雅出天性識道自己措之事業於

無窮執古御今順其性命而各正杜黃屋於上庠渴素王而北面親

臨經幄迎見師儒講無逸篇三宗而鑒戒復辟雍制定一

代之典章臣等瞻玉色於咫尺無異閭閻子之夢中獻瞽言於軒

墀有同輪扁之堂下但相顧以驚歎至或垂於涕淚謝遣兵賦兵起唐

仁孝伏念臣猥將最品介在荒隅早熟不其封謬傳家負荷忽

遭丹寇擅入京而侵凌其為殘酷也尤深切欲剪除而未遂

豈謂曲軫中霄之念俯憐下國之災遽遣官軍旋摧賊陣

致群兇之顯戮與兆姓以同歡臣敢不載殫向上之誠歸美以報

仰答區涯之惠永矢不諼琴諫議謝內知棘園考藝宜推博大

之儒楓楚疏恩誤及庸虛之品伏念臣識謝辨黜才慙吐鳳

幸通風雲之嘉會得依日月之末光玉堂承乏叨奉內相之
名藥省山宗資稷備諍臣之數方雖策於疲駑萬無一補學
六歲於茲廢十有九忘每躡文章之任不堪俯仰之慙豈意至
仁曲收舊物忽降絲綸於宸極仰司旗鼓於文場漉汗難廻
強顏自愛此蓋我皇上謂僮有露塵之効故委以衡石之權謹
當伏旁燭之宣明礪下愚之天性謝知貢舉表分桂之權實因大手
出綸之命誤及么軀伏念臣為儒腐爛賦性慙惓弱冠策名
愧莫書於金榜中年並仕幸得玷於玉堂髫髻歲度鶴腰未
綰犀及遭聖日之昇始展天衢之步久居制職未嘗芥藻於
刑謨再闢選閣又莫網羅於英俊世所許為儒臣有未一

經臣獨負何奇才凡今三泰此蓋謂愚臣頗力於讀書奈今

日俾臨於試士臣謹當研精考藝僮收抱璞之家盛飾入

朝有補垂衣之化

謝同知貢舉表

竊以知人不易自古非今妍媸長短則

見之可知枉直賢愚則意之所難度豈以才藏於貌智隱於心

者歟故張詞律之科欲試胷襟之蘊然文是而質非者有矣或

虧而行脩者在焉不惟臨紙之時終日反覆而自惑抑亦放榜之

後畏人毀譽之何如臣者附贅朝聯索塗文苑學無根據而

浮虛不實命与时來而騰躍敢前每越噴堦歷更清要此蓋

政尚右文仁能護短敢不力所可當心不暫弛入山而擇衆本非

大匠雖難判分過市而見奇珍在常人猶知愛悅苟有可觀

之作者二何終昧而棄焉。

謝除知門下省事戶部尚書集賢殿大學士表

需盈則傾乞避

論思之位汗出不返申加慰藉之詞伏念所自業者文章猶未擅雕

龍之手矧石固於軍旅何常有汗馬之功既不適方圓之用又莫

斟進退之機豈謂厄殘之物得遭明聖之朝比荷遷除輒超資

級方佩銀章光拜鴻樞之寵遽腰金印超參鳳閣之遊坐席

未溫頭銜忽改。

謝除樞密院副使左散騎常侍資政學士表

伏念文拙速而訖無好詞人

或安許書汎觀而未至精析世豈盡知由此得其虛名夫何逮

於上聽以所因詞林之清選尚足償男子之夙心矧茲機密之司

本匪凡庸之望敢曷異淹遽及微軀霜鬢兩垂滋日形容之枯

槁金衣雙引忽為逢荃之光華。

晉唐侯謝駕幸茅亭曲宴次賜御製表

伏念本無

遠識生幸盛時五等叨封久荷蛟山之重一區卜宅粗期蛙井之
跳唯此小亭頗宜遠眺萬景莫逃於眼界四方堪撫於掌中負
暄欲獻於至尊計雖殊矣禊水幸當於嘉節忍可負旃坡
忘僭越之誅敢負游觀之請過蒙宸睞許枉天臨快舞清歌
悉徵未於國色宗親通輔唯恭侍於賓筵舜樂方諧高鍾
屢聲緣聖情而播詠灑御墨成而扁鐫鳳詞華回寫筆
勢顧尚榮於萍觀敢安意於賡歌勒以黃金掛諸華閣二
十字宛同列宿之騰光百千萬年烏有靈珠之韜彩

集文儒

六官謝宣

賜臣表

等伏觀駕幸晉康侯茅亭御製之聖什謹和天歌伏蒙宣

賜酒果者鼓缶俚音仰德薰風之曲出淪明命遽推清露之恩偃

倭拜嘉凌兢失措恭惟文思天縱制作日新當國家閒暇之時
樂天地清和之節擁紫霄之仙仗駐丹蹕於侯藩執顏益喜鳳
藻摘華繫六義之根源掩三辰之文彩刻成玉字堪方禹穴之書
沉入鳳簫當配舜庭之樂臣等自忘狃角之才敢續燬乎之作
日月出矣雖慙不息之微光乾坤廓然曲示有容之大度仍加
異獎繼以珍頒味薰風甫之嘉羞酒實霞觴之滋液顧惟何幸
忽被茲榮臣相公濡謝除樞密
富使吏尚書表伏念以而藉山苗之有庠早康門蔭壯
乃惠海東之無實始涉儒書然未純游刃有餘但不玉面牆而立
魚涿戚屬揚歷崇班以俗學無用之軀挾衆人易疑之勢所
難杜者群言決不謂之公逆顧縻俸祿三歲至千自計叨休萬

分無一此猶滿溢常恐顛瀆敢畜鳳紱之優辭又摧鴈柱之密
地中魚銓部俾品人才無德以堪人雖指之不可違命則忤臣
難於固辭沐膏雨之霑滋凜薄冰之兢戰伏遇摠攬群材裁
成大化體漢帝之為政雖周何加法燕王之禮賢自隗而始

除守司徒
廬陵侯表

明倫石反固殊刺葉之封淺器易盈懼過飲河之腹臣

徒託乾坤之造粗免踣顛坐縻祿廩之豐微報効偶緣天幸

復被聖知自從蘭坡之遊陪當行燭眷何意楓宸之邃密又託

萊厓以政修而七政濟何德可致一命倖而再命偃以榮為憂

方拜章而乞辭復降詔以敦勉伏遇仁親九族智燭群心用人

若文王之時於周為盛裂土如高帝之約非劉不封

王姬受冊後
謝太后表

伏念章邁聖辰濫陪宸極素乏河雎之德未符蓬燕之祥虛
荷恩憐訖微報効敢畫庸眷不捐箕箒之勞驟需洪私俾
受禕褕之寵為崇莫大何德以堪伏遇王太后殿下切茂塗山賢
躋太姒早修婦道備當內職之勤雖至母臨尚紀中宮之選肆宜
異渥庸賁展濟公主謝伏念妾質謝綺蘭姿虧穠李託仙源
之瀆早費生成依聖日之昇例蒙恩賞腰懸銅綬口食膏田望
已過於分涯固難論報身不離於左右誓為承顏豈意宸慈曲
循古制遽納妾禽之聘遂成占鳳之祥伏遇尚商家化先理內
念人倫三端始莫重婚姻賁息女之賤微婢誥伉儷妾敢不心
虔帷薄步節環佩率禮無違事舅姑而思順恩宸致敬奉

君父以錫忠憲王附聖朝遺戒臣臣討平遼賊表

伏念世承箕子之封舊接契丹之壤

曾未有与我釋憾之故地今舉如此無名之兵闌入封疆大殘人物

顧蜂毒之滋甚出虎旅以莫除豈謂我爲恤隣仁深字小勅降

鷹揚之衆就平蛾衆之徒傷王自斃於城中殘孽悉降於戟下函

生再活舉國歡呼臣敢不祝天壽之無疆少酬萬一述臣職而嚮內

罔有二三

知奉事金若先附東宮嘉禮表金良鏡

竊以娶妻須忘於同家擇地必資於

異姓是謂禮也何莫由斯不爲聖代枉辱臣家伏念臣賤無能

驚頑石學但賴姻親形勢之異早蒙皇朝華顯之睇風虎山西驟

陟爪牙之秩雲龍日下又叨喉舌之權勅教童孩之展兒升配元良

之盛德野樹接月中之桂理連一枝行潦通天上河波涵九里此

蓋義重承祧心專啓嫡念微臣是鷄林宗室之後裔而賤息為
黿戴切臣之外孫故欲崇切德於一時于以結恩榮於萬世敢不青宮
千載克輸羽翼之功紫極萬年益盡股肱之力。謝恩起居表。金址。伏念臣父
荷聖慈虔供侯服曾謂九霄之路邈矣難攀昨乘八月之槎忽
然易到非至仁之專恃則安敢如歸於父母雖小國而親朝則尚能
助顯於聖明繫一時之幸逢實萬國之同美次何啻春容夏出常
鈞道途館待之既豐朝夕餽牽之尤腆中都陌上許容寫臆之
朝萬壽山頭再賜鹿鳴之饌及其返也賜臣以衣帶鞍馬駱駝等
又輟通臣而為伴俾臨歸路以護行果往無恙而還豈惟受賜之
一行感戴禱祝抑亦聊生之餘唯願倒懽欣。謝隆降公主表。伏念臣深蒙

宿劫生幸昌期四年入侍於宸庭萬邦爭美之恩遇一朝連婚於
皇息千古罕聞之眷憐仍許褻藩徒令就國尋降肅雍之車
服穩經遐遠之道途惟此生靈悉均慶快三韓民物從今有情於
庇依萬葉子孫洎後相傳於嗣戴

上東宮
謝宴賦

執樓賜宴樂與賢共

鳳翰摘藻儼若天成竊以自古承祧而正本皆先嚮學以溯光漢儲
招園綺於南山並令講德魏嗣集應劉於東園相與賦詩西堂宴
喜之作則江總應令禁苑餞別之章則褚亮奉酬如茲歷世之流
芳未可單辭而備記本朝父克子舜師呂保伊恭惟五稱聰明三
至孝敬氣稟胎教生知道德之純習與性成富有文章之煥玉乃
崇賢尊老樂善好詩為憐請退之著儒爰示饋勞之甄睦屬

黃花之商律同蒼竹之震宮祠苑擢英釋林抽秀特臨蘭殿星
羅水陸之珍肴俄動玉毫露洒雲霄之寶唾星斗森芒於掌上
笙簧鼓敲於耳邊夫何富貴之嬌姿還有清新之峭格比如重粟
初華之芍藥半坼紅房檀栾一樹之珊瑚終離碧海和者蓋寡傳
之與窮奚止三韓之慶賴實惟萬代之休稱伏念猥忝陪僚獲參
盛集池蛙鼓吹慙賡廣樂之音海鳥盃盤愧饗太牢之味成
祈
謝
左
右
衛
上
將軍
表勞輕報重如蜩餌之釣鼃竊侈榮踰類鱗皮之裏鹿
牢辭未極曲諭誦敷伏念承世祿于朝自賢科而仕幸今掃煙天
之積禍果有成衛社之微切斯乃倚於皇靈實非関於人力豈圖
非分過沐異恩不惟得典於絲綸至亦叨恭於鈞履本惟驚緩但期

兄食於祠林敢意雄飛反取虛聲於兵帳得此而兼於文氏顧非

萬幸於平生祇荷訓章唯知感泣

謝聖旨起唐表李商賢

無髻北上三年別荷

於眷憐銘骨東歸一日何忘於請祝諄之命用示恩威助之資

徒增感愧伏惟在衡若舜地畧如湯克類克明恭兩儀而立極以

寬以簡一四海之歸心臣猥將總角之年親奉垂衣之化顧遭家

之不幸恐無地以自安特涕鳳綸委以藩宣之寄載馳就節申其

策勵之辭豈惟臣庶之舉欣實是宗祧之攸賴茲蓋我敦柔遠仁

務恤孤念腐桓尊王之切欲存後裔使蔡仲繼父之業以蓋前愆

謝以臣號起居表

千載一時欣戴自天之命四方萬國澤聞稀代之榮欽惟

以間臨下惟精執中聖祖攸行不怒而威不言而信順帝之則所

過者化所存者神至如草木之生成皆是乾坤之休養伏念爰從
弱歲獲覲清光充宿衛於翫樓既之絲毫之補養蕃宣於艱域
亦微尺寸之切何啻十有二字之褒謬及而無一紙之品茲蓋託累世

勤王之效憐愚臣憲主之戒特垂綸綍之言用比鼎鍾之刻

附銀字圖

牌起
屠表

聰聰必卑天豈鶴鳴之相阻睿恩偏重山冰蛟負之可勝伏

念適因賤介之還廻與先臣之賜重書六軸屈使命以有憑銀字

三符報軍情而無滯茲蓋簡臨寬御厚注薄未推博愛於邊氓

視內內地記微勞於上世極及後昆

李元兒札宴
凌謝起居表

乾坤邈矣敢期呼

籲之聞草本微哉忽致恩崇之沐伏惟遵祖宗之興禮雖舊惟
新擁廟社之休祥於斯為盛並屈聰卑之鑑克敦字山之仁眷

言出日之邦生我倪天之妹美鍾坤順遵母儀於六宮慶毓

明固邦本於萬世於是降璿源之寶戚馳玉節之重臣陳飲食

賜歡賁金僧而將意既醉以德為永好於舅甥不顯其光想歆

觀於夷夏。永陵復位謝起伏念不學無術莅事惟煩頃承先臣主

器之言適值仇家射鉤之禍謂曹帡幪可託喜入覲於明庭妻

獲生忽見猜於巨室謂大傅伯顏力在頃蹈憂危之不測懼誣罔之難明

豈期聖主之原情登見愚臣之非罪特近清問仍賜寬恩驟頒綸

綍之榮復襲其喪之業茲蓋軋行以健高麗而明體舜帝聖

懷之仁遵世皇立長之義。上大元皇帝謝賜復澤下層霄春迴枯

凌兢失措荷戴難任恭惟闡一視同仁之化比冒海隅得四方嚮

內之心光宅天下伏念性行迂疎襟靈淺鄙稔以祖門之踵後濫
屬釋苑之指南茲幸也五世叢林六和淵藪伏弘禪髓恒令衆
席以無虛素之士毛常惠食輪之不轉頃蒙先后之愍此載割
公田而錫焉自茲支命以聊生謂可安身而弘道及值使華之初
屆黜出軍須迺尋官籍之舊傳例收田稅衆多食寡事迫
勢窮然外國邈隔於辰居下情難聞於天聽豈意廟食
蒸之量迴燭遠之明知臣祝聖之積勞念臣涖法之微効優
垂新綽俾復舊田恩既出於尋常感何忘於頃刻臣敢不
倍輸誠而戴仰益勵衆以重修誓將蒲柳之殘年恭薦春
暉之遐美

謝復任起居
表○李穡

恩還爵秩事辨因誣感動于天涕零

如雨竊以奸臣之實欲蓋而彌彰上下之情終通而難否云因
懷廢臣之心遂肆欺天之計表箋禮物公為白日之奪攘符
璽捷書卒沮明庭之論賞既自幸陰謀之中又必欲顯罰加
而臣孤囚山海之間極目雲霄之表剝膚雖切素節何移顧影
自傷赤心誰諒惟冀悟於萬一以忍死於須臾果天道之不差
而罪人之斯得旌別淑慝特頒當宁之言振肅紀綱左視錄
切之載星輶幸至日角若臨釋貝錦之前疑已為多幸復藩
屏之舊職益忝殊榮矧又宮錦畫鮮仙醪春盎豈意非常之
寵祚加不肖之躬茲蓋踐懷遠以德之猷存去邪勿疑之念察
彼蔽聰而明其冒肩異流之責憐臣敵愾而賜以有光前烈

之褒。

謝恩表

鴻茲綸言俯頒殊錫惠出非覲心慚拜嘉伏念猥

將斗筭之材嗣守箕裘之業屬中原之板蕩殊失依歸逮上聖

之作興益勤欣戴顧以山川之悠遠尚稽江漢之朝宗豈知曲

賜包容優加鎮撫節東飛於鯨浪天章下燭於鯤岑宗社

既榮室家相慶茲蓋天地平成繼五帝三王而立極翔南

聲教奄九州四海以為家。

謝御衣酒
笑○李唐

恩如何海之深自天有命

身之餘毫之報無地可容恭惟茲號施令出惟行崇德報

功疑惟重何啻濬濬隘及展身特宣密勿之言冀致殊尤

之錫玉壺中鵝黃酒忽千里之春風寶歲裏孤白裘真一

朝之佳貺既優承於宣勸茲及顧以自銘。

謝恩表

乾龍統天光

迪文思之德晉馬接日優承錫与之私況值置綢宜加兢悚伏
念臣寒門賤裔真弘末沅漢師遠遊殆于今三十年矣自彼至
此曾不知幾千里頃因使旆言旋心預月舟俱設心既專講信
脩睦身不憚涉險逾高名尋父母之邦實慕君臣之義類晉
人之出峽地隔桃源同漢客之乘槎路通銀渚謹致辭於執事
乞歸覲於南州豈期旒纓之聰濫及水雲之老叢廩粟以賙
乏仁聞遠施賜倚饌而宴親懽情交暢欽惟聖學緝熙淵衷
恭默崇政必先於孤矜視臣無異於遠近臣謹當風雲際會永
懷三錫之優香火朝昏切祝萬年之美賜杖時篆乾坤育物
不遺樗櫟散材雨露施恩覃及桑榆晚景洪纖各正性命老幼

咸遂生成伏念一介腐儒四朝舊物何啻几杖之賜存加斗筭之
賢章依日月之末光叨恭佐命愧之涓埃之小補褒以綸忠雖在
懸車猶霑竊廩久生同原壤之無述殊錫以孔光則有加枯槁
生華皮骨再肉茲蓋至誠無息大度有容憲章動法乎古先
禮貌允隆於耆耆鳬脰短弱行携鳩刻之輕鮐背瘠消坐倚
烏皮之穩慈踰怙恃保若提孩謹當仰體洪私俯忘沉痾猥
將望秋之蒲質庶效向日之葵心○謝賜集卷表
○卞季良竊念契邦邈處
蕉服既聲律之未解且制作之難能最在洪武之初特奉高皇
之賜顧歲時之已久至契缺而不完每當祀事之陳而有臣心
之慙豈期今日忽被洪私非舊惟新偉八音之俱備盡美又善

誠萬世之永觀感徹宗祊事光簡策茲蓋至仁涵育大度包
容體軻書之褒夷稽禮經之易俗遂令庸質叨荷寵恩謹
當于祖于社用陳五聲之諧曰將曰康願効三祝之獻

壽康殿
謝勅書

賜宴

竊念性質庸愚器能鄙拙幸值聖神之御統獲叨茅土之分

封十一年間未效絲毫之裨補三千里外每承雨露之霑濡比以宿
疾之屢作艱於治事之靡遑敢具情由以勤敷奏遂蒙開允俾
解繁機既自幸病身之優閒且感愚息之榮顯何期使命之
至特被寵光之加天語丁寧顏不違於咫尺華筵醉飽澤下決
於肌膚俯伏以讀涕泗交沅矧茲神人相慶溢喜氣於東方簡
策詳書流美談於後世茲蓋未忍遽捐於舊物乃此曲軫於

深慈

武科及第謝恩崇宴策

聖明在上求士無方臣子承恩極躬知感竊

念學止記名實非超乘未嘗曉縱橫之累祇自速惓惓之識

豈意捷科而霑錫宴玉壺御醞暖浮千里之春紗帽宮花香

浥九天之露況酣薰骨顧眄生輝花蓋大度包荒至仁在下

故將駑鈍獲荷鴻私謹當獻計聘謀思効漢臣之心腹折衝

敵愾願為周士之爪牙

謝恩

伏念山林冷族常布孤蹤學未至

於通方才無有於適用少始登第猶謂立揚之可期尋滯沉痾

顧惟死生之是懼歲時改於坐卧精神耗於呻吟既疾病之

纏綿兩脛惟骨又家門之淪喪隻影時依子美所云獨立蒼茫

退之所謂余生湮浥將阿俗而循時豈方圓之可合欲歸田而向

舍乃曲園之難依會聖神之履運霈雨露以覃恩蚤緣七載
獲忝侍從之沅溫飽一家無復飢寒之慮受知己惠荷德已深
至若臨軒之制科實為絕代之極寵在宋之盛則以吳育蘇子瞻
為得人前朝所傳僅有趙簡曹光漢之故事近年未岸之曠
典而萬夫欲得之佳名友朋來賀填於門閭老幼驚嗟聚觀於
道路超遷六部之崇顯仍帶三字之清華錫之上田加以臧獲方
愧蒙恩之深古轉承掌試之殊崇雲用霄漢手折卻詵之桂
枝春滿庭除眼看仁傑之桃李夫何希世之茂苑乃以連年而尚
臻皆言遭遇之非常自恐褒升之過望寔意餘生得見今日栽
培枯朽更華實於禁園泰養鷺鷥復騰驤於天廐茲益大

執兼容俾乾坤之度昭乎旁燭若日月之臨且慈父愛子憐其

無能而聖君用人護其所短謹當誓至天日感藏肺肝。

謝賜銅人蓋表 竊念小邦地本荒僻俗皆頽蒙肆之傳授之明醫未精針灸

之良術繼有疾痛末由政治豈期優渥之寵澤特降神妙之繪

畫脉絡易尋究徹心肋骸之束指陳可教庶無絲毫之差將見扎

瘥瘳為耆耄蓋蓋心敦博施度擴包容遂令血氣之傳共被生

成之化謹當恪守藩宣永醫民於一國嘉與臣庶恒祝聖於萬

年。謝賜宋史表 竊念敝邦邈處荒域茲紀藉之蓋寡無以恭研

豈見回之徒周末免孤陋幸蒙列聖之累賜粗具前代之遺漏唯

宋史之無傳自祖父而敢瀆何為賤介之返特頒秘府之藏上下

三百年悉後治亂之迹終始十八帝備觀勸懲之機况又聖訓之溫

淳曲加恩私之優渥謹當朝披夕閱鑑往轍而祇勤月恒日升漸

進美於悠久○治通鑑表竊念敝邦僻處荒微莫究道義之源

實維墻面詎知安危之掇祇自棘心冒陳敷奏之煩特頒秘府之

藏惟胡氏音註之精微炳如指掌集史家刊解之纖悉誠宜服膺

且刊缺之諸書許刊補而續賜殊私至此前昔所稀茲蓋化洽同

文仁敦寧育稽虞典之敷教果周詩之作人附特令建州知州督糧

仍在鏡城地竊念凡察等陰連醜黨肆行詐謀違屢降之明綸去世

居之舊土地該童倉而逃竄敢與滿住而聚屯恐邊釁之復萌

漚早懷以煩請何高宸鑑之內察特賜溫詔以復頒憐臣制禦

之乖方嚴加誨諭飭彼回還之定業俾釋嫌疑蓋慈諭怙恃

德令生成視四海猶一家保萬民如赤子遂令契服獲被洪私

謝賜遠冠
朕一副表

天心字小庸篤懷綏濟澤踰涯深增感激撫躬自

慶銘骨何忘竊念契邦端逢熙運曩在臣父之世獲被袞冕

之榮第今視朝之儀曾未用夏之制茲當使介之旋果蒙殊尤

之錫衣裳燦爛既增賁於微軀冠佩焜煌矧加恩於寵數茲蓋

諒臣誕周之志憐臣愛魯之情遂令屢以資獲露異渥

連良用嘉悅
賜侍幣表

帝德誕敷克敦撫育睿恩覃被絜切感銘率國均

謝謂臣
九推連

慶矢心焉報伏念曾未效於絲毫唯知謹於屏翰拒虜謀而不

納寔臣職之當為何期賤介之回濫荷洪私之渥明綸密勿昭

示獎勸之詞彰帛氤氲特加匪頒之寵崇非望及喜与愧并。

還本國被擄
漂風人表

伏念叨襲獎服幸際昌辰顧未効於涓埃唯知謹於

屏翰念海船漂泊之艱特令安集憐邊氓俘虜之苦仍命發還

庶蓋至明旁燭大度包容推一視而同仁慈踰怙恃利萬物而並育

德侔生成迺使遐陬獲蒙殊渥謹當覲封述職倍殫葵藿之誠

虎拜揚休恒祝罔陵之美。

留都持相附賜
宴箋口崔恒

離照當陽蔚啓風雲

之會需天霈澤偏蒙雨露之私伏念俱以庸品幸際昌辰誓不淪
於險夷唯匪懈於夙夜雅望不足係國之輕重焉然有焉然無展
材曾北出山之東西胡為將胡為相濫膺留守之任恐負隆委之
嚴豈期睿慈曲加寵念飛騎忽屆於一夕恩綸誕降於九霄酒

既旨殺既嘉敬鹿茸之大燕髓於淪肌於浹恍魚藻之同懽龍
光莫逾鰲抃美極松蓋允文允武乃聖乃神講義田之三駟開湯
網之一面觀師律於搏獸展孝思於獻禽接下思恭且眷股肱耳

目之在內愛人以德更披心腹腎腸而由中遂令臣等之踈近特

荷宸私之繾綣謹當益殫素節庶免素餐之譏恒負丹忱永

祝丹宸之壽

有羅上唐高宗皇帝
陳情表○無名氏

昔臣危急事君倒懸遠蒙拯拯

得免屠滅粉身糜骨不足上報鴻恩碎首灰塵何能仰酬慈造然

深讎百滴逼近臣藩告引天兵賊臣雪恥枉被凶逆之名遂入難

赦之罪臣恐事意未申先送刑戮生為逆命之臣死為背恩之鬼

謹錄事狀冒死奏聞伏願少垂神聽炤審元由臣前代以來朝

貢不絕近為百濟再虧職貢遂使聖朝出言命將討臣之罪死
有餘刑南山之竹不足書臣之罪褒斜之林未足作臣之械瀕池
宗社屠裂臣身事聽勅裁甘心受戮泣血待朝伏聽刑命伏惟
好生之德遠被昆虫惡殺之仁爰沅翔泳億降朕捨之宥賜全腰
領之恩雖死之年猶生之日非所希冀敢陳所懷

百濟遣使朝
北魏表

致遠

臣立國東極豺狼隔路雖世承靈化莫由奉藩瞻望雲闕馳

情罔極涼風微應伏惟協和天休不勝係仰之情謹遣某官某
等設舫波阻搜徑玄津託命自然之運達進萬一之誠冀神祇
垂感皇靈洪覆克達天庭宣暢臣志雖朝聞夕歿永無餘恨

心表
表

伏以歲巡燕喜福時邁騰謠臣處蓬海之一隅想溝池於

萬仞臣聞龜文演蹟則象著省方麟史揚蕤則言標展義

是故夏諺稱吾何以助商書美后来其蘇伏惟三綱罔仁兩階

敷德用人惟舊恕物自新既俾黃中服七縱七擒之累何妨翠

輦逸一遊一豫之懽莫不仙掌同途華封祝壽三峯太守欣遲

舍以迎恩萬國行人競來庭而送款既叶歌汾之樂野觀封岱

之儀臣致寇多慙臣自責跛鼈臣桑津之浪莫遂駿奔

賓鴻臣霜連嶽之雲徒增健羨陳情表李賀云臣聞唐虞之代高

舜之臣有廊廟之材臣援契立臣君之盛事有巖林之採巢由

為遁世之遺民雖同遇聖明之時而全殊隱顯之迹臣尚不同

行藏且異臣伏念才惟淺拙器本迂疎自切怠於業文及長

近於愚教謬中萬第雖有意於忠國孝家夙患沉痾固無
心於陳力就列誠不然而知止非不為而偷安故匿跡於布朝遂
埋名於林壑木食間飲切慕道於前脩紫綬金章不求榮於此
世比魏子年之憲心敢忘鳳闕慕釋慧遠之高蹈不過虎溪伏
過妙簡帝心闡一人之慶誕敷文德同三代之風視萬民以如傷錄
片善以無弃近者降以沉乳之香賜以雲龍之旌宣諭款密是感
切於一心殫誦精勤每祝延於萬壽今又續降絲綸之旨更加
香奩之頒招徠命重難決依違雖山海不厭高深示有包容
之賜而塵露實微培滴慙無補益之結況臣久養病骸老耄未
遂孟子不動之志遊未入莊生無何之鄉尚之獨善之名豈有

魚濟之用自量孤分甘受也棲伏望鑑炤微誠曲從臣欲使
魯郊之鳥無眩視之悲俾濠梁之魚有從容之樂表
特異方深頂踵之恩私義未安但積淵冰之懼臣聞鳥巢在
於深林魚巢在於深水不可以魚之愛水徙鳥於深淵不可以
鳥之愛林徙魚於深藪以鳥養鳥任之於林藪之娛觀魚知魚
從之於江湖之樂使一物不失其時群情各得其宜斯蓋聖帝
之深仁哲王之盛事也如臣者山野遺民草萊片善蛇蟻無用
樗散非才不安人安自安其安不適人適自適其適河伯有秋
水之美澤雉無樊籠之斬再示招徼別加誨諭人微道薄虛辱
聖言命重恩深誠非已分臣竊謂戴圓履方莫非王土食粟

飲水莫非王恩 臣衰年所迫舊疾相仍精神耗中氣力憊外

情冰木石雖感逢榮幸之秋性愛林泉實畏入煩喧之地

○上奏表
○朴寅亮

竊念小國久奉皇朝不隳藩禮制疆有患每

將懇願以馳聞累世輸忠未沐帝俞之記念益省火迫常切
冰兢且鴨綠之成形劃鯤岑而作限沿江列址扶餘之古戍猶
存賜履為恩太后之前言不食伯間朝之指境越東岸而置
城更設橋頭連張弓口漸曷恢拓深礎樵耕是以乞復舊陞
仰須新命偶於癸丑年禾苗終長於秋初人馬蹢傷於夜半周
之行葦毛什以勿踐歌仁楚乃搔爪梁人則竊灌無怨惟憂百
姓失食一年昨者命出慈宸遣來顯使謂曲憐於勤款必割示

以寵宣威望星輶喜盈日域今准奉樞密院劄子具事者

臣愛戴聖猷激昂臣節度旅雖薄誓無闕於梯航皇華俯
來若親瞻於咫尺寧濱既混莫非為王土王臣斥地無多何必
曰我疆我理冒寔威而至極輒惶飛露奏而仰干黷聽昔者
藩固大牙劉氏以平臨天下命頒鷄肋魏祖以不惜漢中錫舊
境而更堅候屏慰遐民而新霈皇恩乞下勅旨禁約公邊收
入城橋以江作限歸汶陽之故田撫存福邑廻長沙之拙袖并
昌辰藎萬口以祝玲誠千孫而報主。告奏表。臣忝多茅之命
霍惟清撫表海之封每瞻望於九閭未躬朝請幸遭逢於千載但誓勤
拳屬當修貢賦之時不幸有行李之梗蓋以本國有西偏之翼

邑控北土之脩程地險兵強嗜為寇暴人虐俗剽不顧君親
曩年嘯聚凶妖擅行侮慢于時出偏師而討罪果再稔而成
切仁民愛物之意固欲置於夷途好亂樂禍之徒尚猶漏於
疎網越自近年潜有叛計誘龍城之醜類暨麟邑之頑民若
輔車之依作首尾之勢據要處而屢肆其毒螫傲使臣而終
悖於禮儀兔逃鼠伏恃窟穴以自安羊狼貪逞狂猾而不
已今方授甲將以屠城然兵事難以預圖而聘期又復方迫遂
令今年回謝等使趣裝上道望闕驅車俾遵舊路而行冀
表多儀之享忽聞郵報並被賊留致據匱匱之珍拘辱
軺傳之使銜石填海切深精衛償寃之情執玉會塗甘伏

防風後至之罰而廼三朝大慶萬國同臻豈宜逢艾之生獨

屏雲龍之迹今遣賀正使偕之州闕路進發入朝規得通

達庶展精衷

○告代東女真表○補昇中

臣聞歸美報上詩歌臣子之忠有

切警夷史載帝王之累宥竊以聲教重陶寧歸於一俗仁風

浹洽度越於諸蕃惟女真之群小有天性之頑孟介居東隅

屬籍邊戶自乃祖先之故悉蒙默畜之憐比及近年反招

自孽昧制禦之寬而不顧恃妖狂之衆而多驕譯騷疆陸傷

奪士卒臣以職居糾逃權在撫綏原情難可以容誅整旅六

從而同罪按兵方戰屈醜自降潰奔而巢穴皆空用拓而城

池乃設差賴陛下靈威之被得雪斯民冤憤之深然念出奇

者誠在豫言攻敵者勢當欲疾又因殘賊尚備不虞慎
終故稽厥奏公謀始則廉隍清命仰祈神聖之慈俯亮
悃誠之直獻非腐捷倘加告慶之儀順若鄭辭小副啓心之

誘○宣慶表非常朕事不世果恩實千古未聞舉一方而祇

服欽惟應三靈之符誠襲累世之宗祧仁之所漸者深則裁
之所制者衆德之所施者博則威之所屈者多故神兵一揮
亭土大定東西南北拓地增疆華夏靈夷望風束手功業
光輝於竹素威靈洋洋動於乾坤今者飭使節而諭宣與
諸邦而同慶便蕃上眷浹得多儀惠厚及遐固論酬而無
計心存事大但忠藎以為期○宋告奏表天地之仁各令萬物

○金富儀

以威遂帝王之度不責衆人之所難敢吐忱辭仰干聰聽竊
念本國守數千里之封疆未躬於朝請願二百年之恩札
但誓於忠勤昨者聞兩聖之播遷舉三韓而悲痛既不
能奔回官守以伸臣子之誠又未得首倡義兵以循國家之難
伏遇起從元帥之府光襲先王之基與與臣民共迎鑒輅詔
書下而老幼垂泣德音形而通遐激心至誠感神豈無歎
應宸極返正今也其時臣屬皇家悲蕩之餘當軍國援攘
之際媿未遑於度禮辱先遣以皇華蓋彼金國接我鴨瀕
既乘獨復之威又有害隣之意如聞枕席之假途即必應時而
生事或揚兵可畏於加責或復禮為名以請行在此跋扈將

何辭拒彼衆我寡既難可與爭鋒唇亡齒寒又焉知其非福
豈徒今日之扼腕恐有他時之噬臍伏望山數示藏雷霆怒使
小國有保全之幸上朝無藩屏之危率諸侯而尊周王非敢期晉
之墜事任朕土而作禹貢願不失青徐之舊儀○論表竊以一王乃域
中之天諸夏為天下之尊況九聖之承明統庶邦而無外惟金人
之為暴值丹國之不天既乘新勝之鋒浸有橫行之意陛下新
握乾符適追聖政遭澤騷於京國軫赫怒於闕裏將欲應天
而順人伐叛而同罪謂犯漢者義必加誅而尊周者禮當敵愾
故令師旅并舉表裏相攻言念小藩世蒙厚德常願盡忠於
報上豈徒無意於勤王今者伏聞以天屬之至恩率寶岳而內

禪集効四方之賀爰催一葦之航忽奉讀於絲綸第難禁
於涕淚宜即奔命以待興師但為契封亦非勝國近經災孽
焚盡蓄藏其於儲峙資糧繕修器械必也整廢而後動固難
造次而可高矧又賊勢橫強未宜輕觸虜地險阻豈以長驅然
而辱帝命之臨門理無回避候王師之制敵少助威靈。○崔詩
○崔表
勢之急者必求哀而乃全志之苦者必因言而可達臣分茅守
土雖未能保又於一方建職勤王庶不敢差池於萬事今者上
天降罰老母終堂遽殫夙楮之悲徒極杯圈之慕肝摧心絕唯
餘息之僅存日邁月征忽聘期之已迫例當率循典故發遣陪
僚以其處災凶之地恐非申賀謝之時職此多艱理難自決况

於明年正月某日是臣生日如或例降皇華之使遠垂湛露之

恩其在稟承六難遠越進退實為糧廩戰兢如涉淵冰伏望

俾事上之誠不迷於取舍則移忠之義敢怠於粉糜。蒙古國使貢回上皇

帝表李金報恭惟挺上聖之資受昊天之神提樞臨極居萬乘之獨

尊。其語云天下獨尊耀虎揚威微一邦之不服誕頒明詔布及偏方以

文字之各殊憑譯解而延識威矣神兵之莫敵靡然民宇之天

同伏念夙戴皇靈恪供臣職更沐自天之訓倍深就日之誠但千

里限居於海陬又一日難曠於藩守容或蹈於梗難恐仰煩於

惻恤。蒙古皇帝上陳情表戴天無貳指日可明諒直之懷披露迺已伏念

自惟僻陋之小邦須必庇依於大國矧我應期之聖方以寬臨

其於守土之臣敢不誠服蓋昔己卯辛卯兩年講和以後自謂依
倚愈固舉國欣喜惟天地神明知之豈謂事難取必信或見
疑反煩君父之譴訶屢降軍師而徵詰民無地著農不時收
顧茲茂草之場有何所出惟是苞茅之貢無奈未供進退俱
難悼惶罔極與其因循一時而姑息孰若冒昧萬死而哀號茲
殫瘡土之宜粗達微臣之懇伏望但勿加兵革之威俾全遺俗
雖不腆海山之賦安有曠年非止于今期以為永稱嗣表。崔洪胤。膝廬
罹禍寔深枕塊之憂漢闕馳誠輒告呼天之痛震惶失措顛
越靡安伏念臣父先臣某奇遇昌朝叨承寵冊因道途艱阻
未貢謝章感疾恙之纏綿奄辭明世而臣猥以眇微之質親聞

顧託之言心方積於哀摧曷勝荼毒位固難於虛曠假守藩封

清血之悲白日所照

○堂表
○金坑

一天與外四海在中雖尺地安敢自私

故今日但期相率恭惟馨德懷遠大明燭幽鉅細不遺道叶乾
坤之涵毓通遐胥悅恩踰父母之庇憐夫濟州也元附小邦最爲
深島難名謫狀縱多慙靈獯之風不隱忠誠庶偕沐聖神之
化俾爾渠首朝于闕庭顧予專效以恆勤於此可垂其照亮

○告奏
表

設官分職亘古經常因地避尊有時釐革必耦以朝班之

制傳記所詳天子諸侯之勢則宗庫縱隔於西向公卿大夫之
名則大小皆歸於一揆念言殘域歷事大邦由漢唐已來暨遼
金以下既仍泥濡不思稱謂之是嫌苟曰爲非何悼愛更之斯早

今蒙使臣某至口傳聖旨凡小邦省憲院部之官名爵號其
與上朝相類者悉令改之茲用中書省尚書省并為全議府
樞密院為密直司御史臺為監察司吏禮部並為典理司戶
工部并為版圖司兵部為軍簿司刑部為典法司其餘三公
大夫之階或勳或改侍中平章之秩至乃尚書侍郎中書外
之名亦憲改焉云云敢守元來之典而違睿飭之辭惟冀聖明
俯垂矜察常置生成之地永觀報效之誠表伏蒙詔旨勅
臣以一家之義當於鴨綠江西兩立權場貿易遷有無兩國差官
臨監交易者詳酌民便阜興貨利一家言重雙涕感深恭
惟業啓千齡仁均四海修文偃革三萬里之農桑走魑飛獍

百侯之航輦又設日中之市旁通天下之財竊聞濱於海
遠之城古有興王之島繫群商交易者所就實兩域有無之
相資者百姓之足焉則雖不令而能行故三韓之聞此也乃有
欣而奉喜但是獎封之福小積于深禍以凋殘地品瘠而疎民
居貧且窶珠珍異產本非禹貢之載焉薄賦微賞猶是漢
兵之餘耳幸荷大明之庇卹粗全遺唯以蘇醒顧營衣食之
未周矣暇褚囊之斯辨以茲赴賀遷之地焉得無歎乏之資
此誠聖鑒之可兢實倍臣心之攸愧表恭惟千岭啓業
一視同仁降明綸於北宸遠馳四牡垂德餌於東海將釣六
鰲年前上朝所遣日本國信使小邦護送賤介某取某日騰

裝行到尚州有密城清道兩郡人等聞上朝兵馬繼來委自
疑懼宣言曰雖皇帝實矜乎生靈乃國家方困於師旅
妻息尚被其攘奪資糧之殫於歛徼地非所觀豈可曉
遺黎之苦兵若又正吾其為幾日之生於是擅殺官員肆
惡橫行欲肥于珍島之逆賊頑黠曷道哉以告向件使臣
等便不得前去還來京中又有隸屬權臣家者宋
謙等某二人首謀叛國而如密城之人言欲往從珍島之逆
賊而適有告之者即請達魯花赤及使臣忽林赤趙良弼
并令陪臣等一會推鞠皆伏其事謀魁崇謙等悉肆諸市
至於支黨咸以決罪密城等捕魁謀逆于兵次兩郡人民已

底寧茲令賤介某性奏于天庭○

陳情表

賤介邇還華駟

降旨承明訓皆出至恩恭惟宏創神都立中天而奄御
廓開壽域歐萬國以咸躋爰暨遺黎之子南復尋舊業
以安然昨遣陪臣以注朝特蒙聖上之加恤慰有以越分之榮
光賜臣以殊常之服飾自惟父子若非親覲於比年詎向朝家
方受厚知於今日繫曠度似憐兒醜故愚情如侍母慈豈
專感戴於一心累切禱祈於萬壽節次使臣等奉傳聖旨
以鷹鷄子奉納之晚為喻又勅以好銅二萬斤進納其鷄子者
早趁時而探捕將底貢而養馴甚好銅者初疑赤銅今謂
鑄銘者乃鑄鉞顧下國鴨綠江內本非宜產而得之唯上朝漢兒

地中時或買傳而來此言何妄歸世所共知然恐違聖勅
罄時所有收集鑰銘五石七十二斤擬進鷄子二十箇寄差某
職某奉表進納陳情表曲諭之辭自天方墮至仁所沐率國更
生伏念中國之保存世仰大邦之庇卹曾徒處於江海豈所好
哉實畏觸於干戈姑將免耳然上天之赫怒則焉往可避故
前歲之親朝也蓋為乎子遺父曾卧病以忍辭身已涉遐而聞
計進退兩端之安決哀摧萬狀之莫言幸遭上聖之繼承適至
中都而獲觀館于華邸迺昔皇親之所居時則新正命諸臬
部武英賜之良馬副之寶鞍特曠代之寵光仍示大明之憐
察雀屋謂穿之以說盡掃一邊鶴籠思出之孤蹤許還千

里多般慰諭復倍尋常故無恙以旋歸而曷勝於感戴統
及獎封之戾上又加明劄以榮之其詔云歸國立政永為東藩
祇荷恩靈但增感悚當效勤王之度恪修任土之儀。陳情表惟天
為大仰之常畏於下臨凡物不平鳴也必哀於上聽恭惟舜德
重瞳湯仁一面戴萬復厚熙六合之同凡棧險航深解萬
方之就日伏念嚮自親朝已後常蒙慈宥之深愛如赤子以示恩
復殊諸國樂與蒼生而安業專祝萬年向件臣弟安慶公
之回來也以陸地出排事多端聖勅來傳所謂出排事則積年
之兵病所餘遺唯之保釐無幾非敢違於帝命實難保於
臣心第緣聖主之眷憐曲諒小邦之情實先論之以量力後許之

以從便益佩至仁常殫微懇以此勅條之嚴重悉非疇昔之
覲思曾謂平生幸依盛代如恃世慈之偏護將不瑕於驕頑豈
高天意之忽移反令迫於狼狽悼惶因摺額列寃窮但以陷過之
人出言見疑遘讒之地隨事生釁雖臣辭發於真實恐聖鑑謂
之欺誣節次北京路總管于也孫脫禮部郎中孟甲等奉傳詔
旨以去水就陸之晚為論且曰今方回罪於宋其所助士卒舟艦
自重法辦多少所輸糧餉就為儲積及達魯花赤戶版之事卿
意謂何夫其就陸之事則既於古邑復其居而經營助師之事
雖是殘民隨所有而檢脩其辦舟艦輸糧餉事惟力是任亦期
將供其或請達魯花赤戶版事則方是出排誠未暇於營葺

侯其畢就六當從而稟裁。

陳情表

頃屬寵臣之被召於承明創於

助軍顧惟殘域元是褊陬雖在人民全盛之時未聞伍旅浩多

之數況自辛卯而下一十年兵疫之相仍故於鴨綠以南百千此耗

止之已甚幸遇聖明之寬撫許停征伐於比未惟茲編戶之遺粗

得農畦之復業其隸于兵衛者有名無實乃若我行之充使元

所未困然猶恐帝勅之重違釐其時有自徙都鄙爰泊旄倪計

所調發則僅可一萬人矣當俟命焉。

為公主乞賜稱號陳情表李膺賢

嬰孩強

駘專憑慈父之憐後帝宣聽曲循愚民之欲恭惟自誠而明慮

善以勸顧將庸品端幸昌辰苟陳有切之懷豈阻必卑之聽尚

玉姬而作配不為榮乎令國俗以斥名非所宜也屬在金枝之譜

意存彤管之規若蒙陛下矜其未處遠方許以追導於舊例

既恩九圍俾穠李以增華威德三韓指大春而獻壽

上元皇帝

表釋
實着

其興也勃風雲千載之都俞益洪乎未王帛諸侯之奔

走恭惟舜厥聰明湯其膺聖化流靈貊四方威歸于仁信及豚

魚萬物各得其所大功不宰威德難名伏念支連竺土之一枝脉嗣

松密之五葉竊喜適逢於華朝常切觀光迺緣邈處於茫以遐

慢勞延頸惟此修禪精舍創從普照聖師是小邦選佛之場禪

流不減於數千指抑大國祝君之地梵席無虛於二六時然以僻

在林泉遠離城市春種秋收之蓋闕午餐晨粥之難支昔邦

君錫近邑之土田永充腐費今天使尋別宮之版籍將脩兵

糧勢同失水之鮒呼情迫聞天之鶴唳儻蒙廊庑之度迴覆
育之私詔下我國達魯花赤及管勾兵糧使佐勅令別護我叢
林永錫我田壤鎮作泰玄之禪數終為奉福之道場則臣敢不
益勵重切倍輸忠懇五雲影裏長懸魏闕之心一炷香中常罄
華封之祝

平休賊後陳
情表李穡

臣聞陛下之方要使言而無隱事上之義

苟有懷則必陳情意以之交孚德澤因之廣被稽振古之若此矧
明時之何疑敢將無已之求庸黷蓋高之聽伏念降資譎薄稟
性愚蒙千載風雲早承恩於盛際一區山海甘席翫於餘生豈意
遭罹寇賊俄而隔絕朝廷前平壤之憂延浚開城之燹及每交鋒
以示弱固非多善之所為不旋踵而合攻竟使隻輪之無返其不

避南遷之困蓋欲寬東顧之憂果聞天聰獲瞻星使冒恩已極
揆之何堪況落尺寸之微勞何与鼎鍾之顯刻然遠人三敵慨其
可取者或存任昭代之報叨雖至微而必錄伏望廻九重之獨斷
察萬里之孤忠漫發德音播之多方之口丕示功載傳太史書
不寧耀今于以示後臣謹當歡歌七德廣箕封按堵之風祝
壽萬年奏舜殿垂衣之化陳情表陪臣某曰傳聖旨汝國既
有規伺之心其遣吏負秀才三百名火者五六百名者耶謨誕
數淵深莫測天威密通震疊失常茲瀝卑悰仰干聰聽
伏念愚家不學孤陋無知幸民彛物則之不泯誠天命人心
之所在懷仁慕義既委質以為臣挾詐奸獨何心而罔上

載惟小國僻在荒陬聲自古初局於風氣文辭則僅達其

所蘊言語則必譯而乃通數筵升堂常欲遣六人之童子

明徑習律何緣得三石之儒生矧謂為窺覘之賔安敢

應招未之命顧并徵之宦者與已兄之生負一則為避嫌疑一

則宜遵誥諭進退惟谷不知裁之伏望收雷霆之威廓天

地之量憐臣盡禮而不知所以為禮察臣効忠而不知所以為

忠不責所難而從其願

王大妃
陳情表

妾竊聞自古帝王臨御海內

外萬邦蒼生共惟臣妾男為臣女為妾其類雖殊其性則同

其勢雖疎其情則親故曰匹夫匹婦不獲自盡民王罔與

成厥切今妾勢窮君事迫不過號天而已陛下即天也而視聽

自我民天不言而陛下代之言此妾所以觸冒天威而罄竭
所蘊也妾生十六歲事先臣王某生二子長曰某次曰某之
子曰某曰某相次襲位而皆早夭無後某最後立事妾盡
孝道國人實知之天地實監之及陛下即位某能知天命有歸
樂於內附陛下亦知其忠矣不幸短命暴亡致疑傳言失真
聞于天聰陛下怒之誠是矣雖然其亡也暴故致人疑耳非有
他故也若其殺使之賊金我任途聞某之薨即生姦計欲
立潘王為王逃入胡地至今不敢還國則本國之不与也明矣
妾又聞興滅國繼絕世聖人之大政也況國未至於滅世
未至於絕乎今某以某遺孤權署國事表請贈謚襲位

已有年矣。妾與國人無大與小，日夜瞻望，以俟德音。猶未降也。陛下為天地於天地之間，洋洋乎發育萬物，各得其性，而獨小邦不霑王化。妾實痛之。又念小國地薄，不產金銀。中國之所知也。馬有二種，曰胡馬者，徙北方來者也。鄉馬者，國中之所出也。國馬如驢，無徙而得良馬。胡馬居石之一二，而中國所知也。近因倭賊損傷，殆盡布疋，雖出於國中，然數至於萬，誠難克辦。妾自少，未嘗妄言，況敢欺天乎？妾行年八十有二，朝暮當辭。盛代誠不忍亡兒某，一心向化之美，泯而不彰。妾之孤孫無以立於世，是以犯禮法，披心腹，以冀陛下下悟。陛下哀之，恕之，賜先王之謚，降世爵之命，收歲貢之詔，使小邦私盡其宜。

時節獻土物永遵守則妾當安心待盡而亡兒當北面所

以報恩於冥之間矣

金三十一斤四兩銀一千兩白細布五百疋黑細布五百疋雜色馬二百匹赴京○陳情箋臣

釋褐於玄陵親試被薦為翰林拜三言無路可以報玄陵之

知遇不幸玄陵賓天至偽辛朝復起為獻納與三言臣金伯

英効大臣之用事者杖沅河東三年泣便而在外者十二年矣

戊辰被召赴京驟遷至左代言得侍左右與聞權衡之論辛

未冬當遷為知中事請辭曰知奏之任所以出納王命者也

舉山要須便捷言語要須精詳機務要須強記臣有不堪

是任者三體貌肥重而舉山殿淡一也口舌頑訥而語不分明

二也早患羸疾而性善通亡三也再辭不獲讓視事五月以

愚不審天命人心之去就故果致王民播遷之憂犬國吠非其
主臣負殿下多矣然當時以謂為臣之道必如是而後為盡
耳保無他也孽非天作禍自己取甘心竄逐安之若命人皆為
臣危之臣則以為易代之際枉害無辜者衰季之事也今殿
下以慈詳仁愛寬洪大度素得輿望一日因人民之推戴奄有大
寶前日之不順者今皆囿吾教化中矣其區區慙疑何足為慮
昔唐桓公置射鉤而相管仲以合諸侯晉文公任斬祛而見奇
人以靖國難況以殿下之仁慈大度豈出於唐桓晉文之下哉俄
而特蒙殿下廓乾坤之度迴日月之明憐臣不佞衰臣無貲
既從便矣又還藏牒使得與平日齒所謂生死而肉骨也臣

顧居職而誑君誤國罪無所逃有司不以釁鼓得保首領再
見天地日月六殿下之賜也臣非木石寧不知感臣生五十年既
老矣官至知奏位六高矣過是而更有何望近因淹恤宿疾復
作肥重者至於蹇淡頑陋者至於忘喪臨事惘然十不記一真
盛代之一棄物耳君臣義重不敢遠引高蹈願欲歸耕京畿
閒曠之野朝夕想聞王教之化餌藥養病以終餘齒。陳情書
趙浚

臣始事玄陵侍奉帷幄中遭否運杜門讀書欲以終身
殿下龍潛一見如舊是天以臣遇殿下也歲戊辰殿下与大
將崔瑩廓清十有五年毒民之群虎是殿下除殘之德在
民心矣聖學學術乃与偽主謀犯遼東師渡鴨江殿下率

義旋師使三韓之民得免於糜爛是殿下康濟之功在社稷矣
是時宰臣為大司憲臣知無不言殿下言無不從振起額綱布
昭公道陰害下民結好上國乃黜偽朝以復王氏天子嘉之遣使
來勞是殿下匡復之功聞天下笑初殿下之舉臣為憲司也排
群邪之謗犯巨室之怒革私田積年之弊拯生靈於湯火之中
足兵食於艱難之際以之造樓船以之築城堡武威以奮漕路
以通三韓四十年倭奴之患一朝而息矣置科田於京畿以優
士大夫置軍田於州郡以養師徒以至鄉吏津院皆給之田以
定制國有成法各有分限不相侵奪兼并絕而億兆之田宅定
賦歛薄而鰥寡之衣食足俸祿厚而庶恥行倉廩實而

國用足矣。殿下與臣憤汚吏之殘民也。庸州之養寇也。建議
舉大臣而授鉞。巡諸道而黜陟。藩鎮用律而奔敗之虞絕。州
郡奉法而貪殘之風戢矣。弛逋逃冒職之吏而還其鄉里。擊
鄉原。去猾之姦而役其蔭戶。縣各置宰。驛各置丞。而墟丘
寔為井邑。秦莽化為稻粱矣。以兄官之耗天祿。宦嬖之穢
天下。商皂隸之濫冒官。浮屠坐食之多占田。無功之封君。弱
子弟之曠職也。立法而汰除僥倖之門屏。而奔競之路塞矣。主家
廟而設忌祭者。所以厚民德也。廬學校而置教授者。所以明人
倫也。文治既洽。武威遠昭。按案之寇奉珍。未庭。琉球南蠻重
譯。八貢。王氏十六年。既亡之業實賴。殿下而復興矣。而王氏昏

迷反生忌疾而偽卒逆亂之徒喪田失職之輩魚鱗左右流言
浸涸指殿下為權重誣臣等為朋黨謀去殿下克謀萬憂
及今年三月殿下以儲君之入勤而東也出迎京西數百里之遠又
將躬櫬以來而展駕馬不幸墜馬卧于草次姦臣鄭夢周

殿下之所邪翼也身為冢宰手挽國政逢迎王氏喉使臺諫謂
臣與鄭道傳南園為殿下之腹心乘間聘謀羅織罪辜先行
竄逐次焉殿下與疾倍道而還於四月四日國人共憤夢
周伏辜殿下布好生之德其餘姦黨一無所誅卧疾移第
杜絕賓客尚冀王氏之覺悟使刑賞之權出于上矣而王氏尚不
覺克黨益肆禍在晷刻至七月天怒民離三韓幡然推戴

殿下天命人心既至於此殿下欲守子臧之節其可得乎殿下
於是封王氏于江陵之杆城是成湯之放桀于南巢也封王氏母
弟于畿縣之麻田使奉神聖恭愍之祀是武王之封微子于宋
也安置諸王子于江華巨濟而廩給之漢魏以降更革之主所愛
也而若殿下有心於取國則鴨江之旋旆也豈肯出萬死捐一生而
建興復王氏之議乎已已之冬詔旨之來也豈肯擇立宗親之長而
歸政於王氏乎豈肯早立既冠之儲君而欲定國本乎豈肯用
經筵進名儒於左右獻貞觀政要而朝夕納誨乎豈肯設書筵
集多士於東宮進大學衍義而日講治道乎豈肯釋上相之政
柄分宅里於子請乞歸休於桑梓至再三而愈力乎前年之秋

又豈肯建議見儲君於天子乎 殿下為王氏之至誠至忠上天所
監臨三韓所共知也而王氏惑於讒賊不能如燕昭之於樂毅
爵裏之於田單乃以雲臺之費反為机上之肉是天厭王氏之德而
啓殿下之業也今天既命殿下以父母三韓矣願殿下法三
王之至治鑑兩漢之得失兢兢業業念茲在茲陳清義權近洪武
二十年二月日欽奉聖旨節該鐵嶺迤東迤西迤北原屬開
原所管軍民仍屬遼東欽此臣與一國臣民不勝殞越仰陳
卑抱者粵惟梁邦僻在遐壤福少實同於墨誌峭嶢何異於
石田況從東隅以至北鄙介居山海形勢甚偏傳自朝宗區
域有定切照鐵嶺迤北歷文島和定威等諸州至公嶺鎮

自來係是本國之地至遼軋統七年有東女真人等作亂奪
據咸州迤北之地睿王告遼請討遣兵克復就等咸州公嶺
鎮等城及至元初戊午年間蒙古散吉大王普只官人等領兵收
附女真之時有本國定州叛民卓青執津縣人趙暉以和州迤北
之地迎降聞知今朝遼東咸州路附近瀋州有雙城縣因本國
咸州近處和州有窩等小城二坐瞭眺奏請遂將和州冒稱
雙城以趙暉為雙城總官卓青為雙城千戶官轄人民至
正十三年間申達元朝將上項總官千戶等職革罷以和州
迤北還屬本國至今除授州縣官負管轄人民由叛賊而
侵削控大邦以復歸今欽奉見聖旨云欽此鐵嶺山昨

至京僅三百里公峻之鎮限遼界非一二年伏望度擴包容德

敦綏撫遂使數州之地仍為下國之疆臣謹當益感再造之

恩恒祝萬年之壽

石濟上魏主請伐高句麗表乞無名氏

臣与高句麗源出扶餘

先世之時篤崇舊款其祖釗輕廢鄰好親率士衆凌踐臣境

臣祖湏慙旅電邁應機馳擊矢石暫交集斬釗首自爾已

來莫敢南顧自馮氏數終餘燼奔竄醜類漸盛遂見凌逼

構怨連禍三十餘載財殫力竭轉自孱蹙若天慈曲矜遠及

無外速遣一將來救臣國當奉送鄙女執帚浚宮并遣子弟

牧園外厩尺壤匹夫不敢自有又云今璉有罪國自魚肉大臣彊

族戮殺無已累盈忌積民庶崩離是滅亡之期假手之秋也

天威一舉有征無戰臣雖不敏志効畢力當寧一統承風
響響應且高句麗不義逆詐非一外慕隗囂藩卑之辭內懷
凶禍亟突之行或南通劉氏或北約蠕蠕共相唇齒謀凌王
畧昔唐克至聖致罰丹水孟常稱仁不捨塗炭涓沅之水
宜早壅塞今若不取將貽後悔去庚辰年後臣西界小石山
北國海中見屍十餘并得衣器鞍勒視之非高句麗之物後
聞乃是王人來降臣國長蛇隔路以沉于海雖未委當深懷
憤恚夫以區區偏鄙猶慕萬代之信況陛下合氣天地勢傾
山海豈合小豎跨塞天達今上所得鞍一以實驗○清山幸江
淮表心霍

遠伏以舜伐有苗修德而終張寧服湯征自葛行恩而競

望來蘇固敢跼天負責向日裁誠將獻永安之兆輒陳可
復之詞伏自寇陷上京兵微外鎮極銳始汎於鶴列旋致徒
歸頑穴尚固於蟻封難成盡殪臣豈唯投袂實至衝冠旗
張商嶺之風釳拂秦川之霧願言薄伐冀效微勞昇蒙陞
下遠許分憂不令離任臣進退惟命始終無虧又緣淮海乍
息烟塵忽若去兵必當致寇則迺江南沃壤盡成蚕食之
資淮北強隣暗展鯨吞之勢是以仰奉勅書已班師旅四境
之赤眉歸伏八州之黔首溢寧遍布皇恩粗申將畧然而關
中隄敵闌外偷安既乖踴躍以身先每切忸怩於顏厚伏惟省
方展義駐蹕經時龜城壯麗之形金湯雖固鳳輦巡遊之

費桂玉可虞况舊謂西川富強祇因北路商旅託其茶利瞻
彼軍儲今則諸道發表章則半載始迴微貢獻則經年不
達實緣道路遠復兼值干戈阻難伏慮扈從實繁宴犒
仍廣盡搜資於三蜀難濟用於司又以蜀川僻居印棘密通靈
戎虺毒潛吹歎心難測事可酌於將來禍須防於未兆伏惟覽
臣忠懇察臣直言暫迴西幸之儀更舉南巡之禮使蒙之息
後予之怨人安憲主之心天下幸甚况江淮為富庶之鄉吳
楚乃繁華之地陛下九年理國四海為家豈比周之東遷非擬
晉之南渡伏乞俯迴鳳宸略此龍舟必想山靈卷三災之風水伯
寢九江之浪遐尋禹迹允叶堯巡昔也日耀錦川天不傾於西

非令則風行澤國地無缺於東南然後發使清宮舉章司

隸振威儀於歸闕告休績於登封臣雖識昧宸通而志勤

匡濟敢憑草奏輒貢管窺御三殿奏三竊以君王之孝在布

政以施仁聖人之權亦反強而合道是以周王以麻冕出應門之內唐

帝以表衣御大極之庭況今因山之禮既成易月之期云畢四方拭

目合觀載籍之風石辟傾心佇望惟新之政而猶謙、虞約默、宅

憂元延之居孰為設也萬務之決其將奈何伏望少抑至情勉遵

故事魏、法座赫乎天日之威顏植、廣庭需若雷霆之號令

上以蒼帝之蒼蒼之眷下以安海宇之心上宋皇帝遺策他氏成俗由乎

太學之風用夏變夷以藉彼先王之術故呼韓遣子於漢室吐蕃請

書於唐家事雖不同義則無異伏惟大宋之興也發揚大道之源
掃蕩積年之妄學分三舍教本六經切成理定新禮樂於百年
仁洽道豐一車書於萬國顧為要邑夙慕華風在于同寶之時及
至神四之世每馳使介即遣生徒俾以觀周鼎於夏魯二邦後偶因中
廢久闕前修士無定論學有多歧混末流寒幾載况乎法度
憲章之制聲明文物之儀或歷代之遺經或諸家之異說苟非質
疑於有識豈能成法於將來今也良辰在遇素願可伸遂遣學
生金端甄惟氏趙爽康就正權適等五人令隨入朝謝恩並進奉
使般次赴闕惟此諸生並非秀穎目不見序庠之禮耳不聞雅頌
之聲難可与言有類五鄉之子未嘗無悔蓋存闕里之仁伏望慈惻

深衷推明好事特下國子監或於辟雍收管許令就便學業則
容跡於諸儒之末樞衣於博士之前懷我好音庶見鶚鳴之慶遷

于喬木免同鵠舌之頑倘令吾道以東歸永荷大明之下燭。

代精起
誠表。

金富臣材惟拳曲性本倥傯少追甫掖之流久服序庠之教呻吟之

學非止於三年混沌之姿未穿於七竅資蔭為吏折腰事人觀原

頤而捨靈龜自知其賤下喬木而入幽谷人指為愚遂激初意願酬

素志伏遇國家急求秀士申命至公窮漢水之濱精搜照乘剖

荆山之璞必得連城臣不揆庸才欲趨明試操刀必割恐失於良

時被羽先登庶幾於勇士伏望道優善貨化極曲成體大易包荒

示互鄉之與進則論切漢殿雖非韓信之無雙授簡梁園庶効相

之
如未至。清廷訪朝臣
表。鄭克永

夫厝火於積薪之下而寢其上因未及然而謂

之安養病於腹心之內而無其醫後必為痼而莫之識竊惟事勢

方可痛傷臣謹按前漢書曰天下之患在於土崩陳涉起窮巷

偏袒大呼而天下從風甚故何也由民困而上不恤下怨而上不知俗

亂而政不修此三者陳涉所以為資也此之謂土崩臣由是觀之不

可忽習亂安危無有修省則致災變不自覺知目貴因循耳故

歲旒或以疎遠公正為不肖或以親信權貴為上賞或猶豫而

莫辨所從或偏信而不知所惑縱欺罔而不能制混智愚而不能

分况近世以來民苦賦役大兵之後歲仍飢荒獻計者以徒法擾

民心當官者以苛政傷國體公私耗竭姦軌熾興上從弛於王綱

下辭伊於物議若事變之一起雖歎息以何為伏以陛下聖智天生
聰明自負以前古聖賢為陳迹以當世臣輔為備負宵旰無稽古
之勤凡延英之訪內微宗室維持磐石之勢外解腹心承衛社
稷之忠唯常與近狎之徒僕隸之輩雜進巧說以成禍基陛下孤
而不自謀朝臣太息而無敢陳臣故抱腕痛心泣血叩閣伏望惕
厲虛懷博延群彥稽朝綱之失致紊辨政道之所致疵何施而
國勢可安何惠而生靈可活推之原本責以將來使和氣充充於
海隅則太平可齊於穹壤者矣臣又未知陛下以微臣為拙而不
信臨表尚有可惑故謹并繕寫唐陸贄奉天論延訪朝臣表
一道隨表同封臣不勝犬馬怖懼之至

請改名表
李福

命物以類宜莫

尚於自謙登名于朝敢無因而輒改竊惟小國之風當仍其舊
盖由世皇之詔母愛其初自臣名祺薨不封古國大而官師案
牘微而里巷書詞凡為字從示從其而其聲相同相近悉皆
諱避謂是故常臣久乃知事多有礙顧衆情之莫奪惟自改
之為便臣曾祖忠烈王諱謹改昨祖忠宣王諱源改璋考
其所由罔不在此臣今亦擬以顯字為名倘垂兼聽曲貸擅
更謹當期壹節以釐東立揚終始庶幾全心於拱北報蒼生
成○請冠服表俄禮制度大同辛夏之明慕義嚮風庶愛要荒
之陋竊觀聖人之興必有一代之法上衣下裳之作盖取象於
乾坤殷周冕之各皆因時而損益以新耳目之習而致風俗

之同欽惟挺神武之資撫亨嘉之運文物備矣幸超三代之隆
德教霈然覃及四方之廣雖命小邦之從本俗既賜祭服以至陪
臣豈容其餘尚襲其舊在盛世之典固無所虧但遠人之心深以
為歎伏望憐臣以小事大許臣用夏實夷遂降綸言俾誕華
製謹當終始惟一益殫補衮之誠億萬斯年永被垂衣之治

○請展廢表
○李崇仁

錫命推恩仰惟聖君之典踐位行禮實為孝子之

心臣聞詩歌績考宣王所以待韓侯傳稱揚名仲尼所以語曾
子恭惟分茅昨王措天下於泰山欽福錫民躋一世於壽域遂
敷多方之面內而無匹夫之向隅如臣者方在弱齡即喪嚴父對
影海曲哀吾生之曷歸翹首雲霄望俞音之益切伏望特霽

洪私得承先業

清辭免本職終考
禮部尚書錢權近

昔臣在王韓山李楠嘗謂

臣言六經俱火于秦禮記尤甚故逸漢儒掇拾煨燼之餘隨
其所得先後而錄之故其文錯亂無序程朱表出大學一篇考定
節次其餘則未及余欲分門類聚別為一書而未就汝其勉之臣
承指授每欲編次從仕鞅掌亦莫克成前朝之時得罪見謫
幸蒙太上王殿下欽恤之仁獲保性命安于鄉里自辛未至壬
申十數月間始得研究此經隨篇類次乃成其藁第以本經
文字浩穰未易悉書唯將每節首尾數字云自某以某篇
在某節之下今當在某注又將臆見之說附注其下而已將
欲盡書本經之文次書陳氏輯說然后附以臆見之說以成一

書此宣數月之間一筆之力所可辦哉故在當時未克脫藁與
以餘齡茨其畢成開國之初得蒙召用殿下繼統又以無功濫與
勲臣之列位至宰輔再賜同盟感極于天糜粉難報惟念
臣近質本多病性、而作今又加叅其勢彌篤支體疲困頭
目眩暈神昏健忘耳聾耳重聽難於奉職自臣始編此書以
來今踰十年尚未成篇臣恐一朝疾病難醫日迫西山奄辭
盛代臣師之所囑永負地下豈不慟哉若禡臣職并除世務
使得專意卒成此書雖其狂僭無所逃罪其於後學未必
無補伏望憐臣衰病臨臣志願今免職任居閒處敬藥餌
之暇更加精力以卒其功特命攸司給紙札助繕寫勒成金書

鑄字印傳則臣之著述雖不足觀後進之士必由是而興起

與揮經籍以光盛朝右文之治矣

成均館請鑄宗聖公述聖公配享箋心權過

先聖是

崇章嚴宗祀之禮令典有缺殊失道統之傳敢伸官窺庸達

藻鑑竊惟昔仲尼之將聖生周室之既衰不忍果於忘世猶

欲与之救時然而期月可也之心反興在陳歸歎之嘆有德無位身

雖居於當年繼述開未遺乃事於後世獨取先王之法以教子弟

之徒有從遊之三千與束肖之七十升堂入室固是寡儔傳道

得宗尤為拔萃宗聖質之魯故學也確然久加三省之切勉以

篤實及聞一貫之旨極於高明述聖以聖人孫為君子學推堯

舜相傳之意明道有自來質父師所聞之言著書以為教鳴

呼微言已絕大義亦乖晦盲千載之間紛紜二家之說向若非庸學
之作難復明性理之原斯有卓角之成功豈同泛然之群弟自唐以
來宗孔聖之道德立文廟之規模或有講究之未精而致取舍之
失序但願進顏孟升於配侑之行仍將曾思置於從祀之列厥後
宋元皆以曾思特封國公之爵以躋夫子之堂累朝之缺事始完
先聖之道統無墜矧今上國六勿替而永遵何我小邦獨不行而
自廢伏望樂善不倦聞我勇為命禮官而恭詳即學宮而
釐革名既正言既順無負聖賢事得序物得和可興禮樂
謹當庶幾夙夜奉以周旋學未知方敢望司徒敷教之職禮當
中節庶稽滄洲舍采之儀

禮書請罷楊雄
從祀董仲舒等

宗德尚賢固國家

之令典彰善瘴惡實有司之恒規竊惟歷代凡有切於道統實
從祀於學宮倘真儒之或遺恐公道之有累秦有坑焚之虐吾
道既衰漢雖經籍之興真儒蓋寡而董子得春秋之大統繼
洙泗之淵源原性命正人心遏功利於熾肆崇仁義明道體植綱
常於洄陳間世英雄生民先覺而雄學未知本德不勝才符命
一篇要見媚於新室善惡混就卒得罪於聖門雖法言得魯
論之皮膚而太玄効周易之象數道德蓋闕如也文章何足道哉
伏望知人則哲去邪勿疑褒貶淳儒登祀七十子之後斧鉞奸老
黜為千萬歲之徵則小往大來貴賤得位名正言順禮樂可興○

清上太上王尊

領議政府事

臣柳廷顯等竊伏念性歲之春主上殿

下宰臣等上言請崇徽號未蒙俞允臣等惶恐再陳卑抱竊
謂帝王之道廓然大公以順人為心而已順人為心即所以順天也
天視自我民視天聽自我民聽故民之所欲天必從之此之謂也今
殿下乃自菲薄執謙固讓臣等愚惑固知所為請得而申之
殿下開國以尊親定社而讓兄功德之盛固已至矣事大以禮而
再受誥命交隣以道則海寇賓服尊祖宗而祭如在至敬也存
王氏之後俾遂其生至仁也先德禮而後刑罰懼天災而恤民
隱萬機之暇樂觀經史賈石俸十九年同四方寧一殿下之
功德冠冕於而王軼越乎千古非諛言也臣等幸生此時深荷
殿下天覆地載之洪恩他無以仰報絲毫之萬一又石牀使殿下

之盛美周而不彰教而不揚則無以告天地宗社無以示臣僚衆庶又無以垂諸史冊而傳之萬世臣罪大矣此臣等所以拳拳顯當食忘飡寢不能寐者也且殿下尊崇太祖之心即今我主上殿下尊崇殿下之心也殿下於太祖既極其尊崇之號矣主上於殿下安有不得極其尊崇之理乎而殿下謙讓再三使我主上殿下之孝誠鬱而不得伸焉此尤大小臣僚所以嗷而不知止者也。清免金銀表竊念小邦土地褊薄不產金銀天下之所共知也故太祖高皇帝洪武五年欽奉聖旨節設古來藩邦遠國其所貢獻不過納贄表誠而已今後將來的方物只土產布子不過三五對表意其餘的都休將來至七年三朝只受布疋其餘

金銀器皿並皆收回蓋高皇帝明見萬里灼知小邦之不產金銀也實與神禹任土作貢之義脗合無間豈非所謂前聖後聖其揆一也者乎第緣其時元朝宏商興販到此少金銀猶有存者小邦進獻仍舊遂至于今數十年間用度罄盡公藏已竭以至家抽戶歛率國陪臣之家無有畜金銀器者事窘勢迫此臣所以敷陳心腹仰觸天威者也臣又自念臣祖先臣康獻王諱特荷高皇帝之眷佑既許王爵且賜國名臣父先臣及臣連受誥命凡三世將四十年于茲矣寵異之隆賞賚之頻稽諸書史小邦之旣被聖恩未有如今日者也臣之所以欲為報聖恩於萬一者未嘗頃刻而忘于懷又安敢以有為無欲廢常貢以欺天聽也

我臣之以言實出至情臣敢誣我伏望恩臣辭煩憐臣情迫
遠稽神禹之令典近述高皇帝之大訓體天地愛人之仁推父
母保子之心特降俞旨許免金銀之貢代以土地所產則豈惟臣
與一國臣民父老歡欣鼓舞於聖化之中也哉臣之子孫永被深
仁厚澤於千萬世之無期矣

德請刊行東國
史畧卷之尹准

汗竹成編可鑑前王之

治忽騰藁鏗梓庶廣後世之流傳粵惟東國肇自邃初檀君
啓祚於唐堯箕子受封於周武王厥後瓜分四郡俄焉鼎峙三韓
疆域戰爭之紛紜一彼一此君臣行事之始末有盛有衰載籍
罕存歲年既久上據稗官之誌記近觀富軾之編摩浩瀚完長
讀之思睡甚唐杜誕談者不經恭惟萬機之暇心乎藝文三國之

書惘其訛謬爰命耆碩共議看脩公是公非本春秋之筆削繫

年繫事倣班馬之規模文約指明辭嚴謹正允為三長之手可脩

乙夜之觀刊行一世必也家傳而人誦布在千秋庶資講學而右文○

擬唐請山東
西界田經界策

仁政之行必先經界之正地官之職宜令井牧之均

竊以東西界五十餘州未遑田制之新猶習日耕之舊昉畝畝

既非步尺而度之粒々膏脂有以愛憎而收者俱是幅員之丙豈

容南北之殊伏望俯採瞽言特留神斷倣國家六道例之遵古

昔三代之規擇遣賢良辨土壤而踏驗區分疆理俾貢賦而齊

同革前朝鄙俚之風建後世持隨之典○請世子冕服
表○李季旬竊念中國爰

自箕子受封以來謹遵聲教雖在夷裔之遐得為冠帶之俗逮

至高麗恭愍王王顥欽遇太祖高皇帝誕用景運首先內附
獲受九旒冕服下至陪臣亦賜冠服比中朝臣下九等通降二
等陪臣凡七等一等秩比中朝等三等賜以五梁冠服二等秩
比中朝第四等四梁冠服三等以下以此通降至于臣祖康獻王
特為高皇帝眷遇之厚至臣父恭定王嗣世太宗文皇帝賜以九
旒冕服時朝廷議奏衣冕九章親王之服宜用祗玉為圭葉玉
為佩特降聖旨既賜九章冕服圭佩皆用玉其所以曲垂恩私者
至矣及至臣身宣德三年宣宗章皇帝賜臣世子某六梁冠服
正統三年又蒙陛下賜臣遠遊冠緋紗袍玉圭九年又賜臣九
旒冕服玉圭及翼善冠袞龍袍玉帶欽惟高皇帝以來不以

外國之陋而視同中國不以藩王之疏而秩比親王臣之嗣受襲封
殆將三紀雖切齒報之誠未效絲毫之補敢有何望復煩天聽乎
但惟今臣世子某特為皇恩為國儲貳既任監撫之權陪臣固有
臣道而冠服之制相同一國臣民罔不罔然咸願敷奏謹稽聖朝
諸司職掌之書乃載親王世子七旒冕服之制臣雖在要荒之
地欲昭尊卑之念不敢自擬親王嗾嚙遲迴者有年于茲矣今遇
仁推一視化隆無外累賜親王之服殊恩異澤雖天地之愛物父
母之保子無以踰焉臣於此時徒以華夷之分而引撫不陳則是不
以天地父母望於陛下而自外於一視之仁無外之化也伏望恕臣無
已之請諒臣由衷之懇特降俞音復沛殊尤之澤遂令僻陋之

區儀女等威六得察然有序則豈唯微臣懼欣感悅於一時而已

哉臣之子孫永被寵光於永世矣

金富軾表

高明在上冒四海

以靡遺誠懇田中表一言而可達伏念臣等承乏使人來修聘

禮離鄉國已踰六朔在京館將浹十旬既厚沐於異恩六從遊

於樂所莫蕭零露但自覺於露濡秋水望洋浩不知於涯涘

永言感意宜忍辭違然念使事已成理當歸報王程有限

勢不懷安遂敷社而上陳若履冰而積懼伏望體道善貸法

天必從渙然大號賜以俞言許令臣等以今正月下旬離館三

月到明州四月過洋歸國則伏北海之驚波永依聖德致中天

之寵旨速慰君心

乞致仕表

日暮途遠宜息其行天高聽卑必從

所欲臣起自寒門濫從臆仕夙宵一節出入石為小器短材訖與
所立殘年餘力豈得自強况禮典有致仕之文道家貽知是之戒
或慮軒而不退必貪餌而斯亡宜收老身以避賢路伏望至仁
大度惻然見憐容倦鳥之知還使游魚而得所

三辭起復表

草荏

某聞三年執喪雖王公而遂服百日從吉因金革而制宜故周
子有腰經從事之嗟而樽風著素冠帶心之制苟行權於平世
則見戾於先王伏念早以不天少亡所怙同彼諸幼鞠於偏親顧
之復之以免水火之傷教之誨之以至室家之定洪惟恩義何以報
酬方忻逮養於釜鍾遽歎僇悲於風櫨金玉痛之未幾荷
剴辭之再頒俾即吉儀復居公次聞命惶駭撫襟涕洟昔

臣父之卒也童孩無知而不克服哀今臣母之亡也詔命強起而不許畢願則非唯為子之職永失實恐移忠之道又虧有累於臣無補於國伏望俯回淵燭灼照惻憐終祥禪之期火慰昊天之慕則欲報之德下得盡其愚誠不呼其門上可全於

孝理皇天白日臨照此心

再辭恩命表

臣質本迂疎才惟塞淺行猥

狂而可笑志愚直以自持聖考謨知屢加器使陛下過記特欲登庸不疑臣於積毀之中乃置臣於三事之地期國士之報雖欲激昂無王佐之才未有裨補昨者妖人妄作近臣詭隨久而無成反以為亂下駸與人之聽上貽聖慮之憂臣於倉卒之時遽辱祖征之命軍旅之事未之當聞忠義之心豈可苟免乃不辭而

徑往固莫知其所為伏遇悔過責躬畏天修德神祇享誠而陰
助士卒臨難而直前故得未踰二暮乃克元惡陪京城闕原廟
衣冠確有不移儼然猶在此皆聖德之致人和而然而臣無微
勞之足稱受厚賞而奚可況念臣始安於貧賤不以高華自期
仕寢幸於遭逢過叨宰輔之職滿招損則聖人之訓竊若驚心
道家之言常恐辱殆之尤內懷止足之計矧以大名而增秩又令華
使而臨門顧臣孤陋之資何以克堪其事伏望慰臣以衰老
而歇事察臣非歸讓以微名勿顧反汗之嫌追還出綸之制
為李侍中抗度
乞退表○李奎報犬馬之齒已合歸休蠶蟻之誠莫迴聰聽伏念
臣性若方輪而動昧推移材如散樗而不中制度既乏濟時之

用又與博古之能幸遭罕遇之辰驟沐不貲之寵侍中一品之官也
臣已冒顏而處冢宰百僚之長也臣不量力而居地極台衡權
兼凡憲受爵則若盡登階級論功則猶蔑有毫毛自惟曠
職之多宜早奉身而退然頃者邊陲未靜家國多艱雖至忤
某屏跡之人罔懷寢席沾身之望況為國相遽陳引避之辭
誰謂愚臣不作自全之計故難高謝甘受衆譏暨臨解綬之
年加有負薪之疾若又不退其復何須承聖訓之悉纖厚臣心之
愧惠伏望特降允俞俾從閒適則殘骸養氣仗聖德以不僵徐
喘偷生祝皇齡之曷既三度已退表伏念臣事莫通憂而救于執方文
不據古而失在辜意徒以遭逢之幸謬忝寅亮之司門地之孤寒也

人所素輕言行之燥辨也世六備歲暴起而相衆噪孔多但憑聖主
之至仁粗保人臣之卓位恩命優渥厚矣朝廷之寄託重焉固當
耗竭筋骸憂勤寤寐靡遑倒一身之有少酬萬乘之知然本惟鈍
蒙中以衰耗風心尚在雖不移金石之堅淺器易盈訖莫効涓埃之
益竊祿太過而災由是生疾病交侵而身至漸殆故自去冬而衰
疥莫蒙寬詔之遣歸茲敢復陳期於得請何久鬱江河之決未遽
捐草芥之微才之滿也既若茲老益昏也又如彼伏望特垂湛歆
之慈俾就養病之地

○柳樞密公推
乞辭職表

竊以際會之間進退非易上不以苛

留為惠而露洩其短下不以冒處為榮而蹶躓於終然後上下相知
情禮曲盡朝無曠官之謂人有遂性之宜伏念臣非以才昇本緣幸

進文雅不佞絢歸吏事經術又未潤色皇猷翱翔要津疣贅賢路
遽迫負薪之疾益懷覆餗之虞王言溫密而慰訊滋深御醫旁
午而診視不絕淚盈襟袖感入肺腸雖賴聖人之恩靈苟延時月自
驚晷刻之形狀坐受朝昏苟循諸欲其若恩何較未勇於乞閒但
自努於竭節今則體已瘳而無拜跪之力步已淡而闕趨蹌之儀
既不得起守官班又何宜卧腐公廩古者廣德移病而漢帝罷
令就第悲度稱疾而唐皇許以在家雖惜其才賢而不欲許遣
亦憫其老病而不使逼求況臣本無補於經綸復久罹於疾疹
有何冀望而又遷延病翼遲迴久費浴池之惠困魚跳伏驟思游
海之心伏望示聖德之寬容委天光之旁燭俯送哀請許遂退藏。

乞退錢。
李齊賢

臣於今日某日墜馬傷足不能坐立乞免職任者海龜奉
首庶幾仰戴於靈山既馬傷蹄誰可脣驅於清路肆陳卑抱庸
黷賈聰伏念鉛槧劣能斗筭賤品濫授秉鉞之任敢忘粉身常
懷覆餗之虞有若此皆果致元崇之足疾靡堪須賈之膝行呻
吟衽席之間匍匐文尋之內茲蓋才微責重福過災生遭口吻之
黃勢難共處損筋骸於銜檠誠合退藏伏望吐溫然之俞音全
耄矣之殘喘三薰三浴拜孔光歸第之恩一壑一邱償弘景掛冠
之志。又伏念臣才為宰相之盲病類浮面之璧徑綸任重嘗慙秉
筆以昏。鈞履班崇還恐執圭而蹶。分甘鼈縮望絕鳬趨敢
思密勿之言強起欹危之步既以爪牙重將臨視草廬中之喉舌

名臣奉傳芝檢光生園園聲動僭紳既蒙眷遇之無前肯慮死
亡之在後然而切微而居高者必遭橫議智薄而據要者難免厚
誣雖厥疾之得瘳尚何顏而復進伏望察難還之惓憐垂盡之年
致令臣收六尺之頑軀避賢者路撤一簪之華髮送老于家

請說舉賢成事史記
密直李穀自代箋

致敬盡禮人君乃能得師推賢讓能臣子所

乞免
書廷

以捕主臣頃承綸命久侍書筵舉止迄踈而未足核非見聞鹵莽
而無益於取正臣猶知愧孰不忍欺而況素髮蕭條玄花掩翳
耳類許丞之重聽臂同杜子之偏枯眷憲軒墀苟不收桑榆之
晚景顛摘溝壑恐難保松柏之歲寒竊見金議贊成事安某
密直副使李某清介無華端方有守學問高於東方才名動於上

國擇於二俊替以一愚重席談經彼得贊右文之化閉門謝事臣何

忘優老之恩。

辭鵷林表
李達表

竊以謂出任鄉貫者故有例誠宜未蒙

俞允但臣稟受孱微少多疾病老而彌篤恐出守遐方不得保
安餘喘游泳至理不量獲罪再黜尊嚴乞辭職任不勝兢戰者
用乖於世深慚六日之蟾聲聞于天倘恤九臯之鶴伏念系曹
孱微資材薄劣以祖先之常有教知臣下之所當為潛心乎啓
沃之辭有意乎經綸之文陪人之學優則仕體物之窮憂而通然素
稟之昏蒙而卒臻於鹵莽以無所用廼在于時幸遇英明方用
草昧懇臣孤寒憐臣蹇拙甄陞擢用每如一日九遷頌祝漸傾
何止千秋萬歲負而無福未能致候於要津泉以忘憂祇自優

遊於威澤濫受分憂之命顧微宣化之能政既難於親民理何敢
於補世行或使止或泥恐天意之何如動於中形於言申下情之
所以矧鷄林之鉅鎮為縣域之雄藩而臣無德可希卧固彈琴
無才可效操刀製錦日侵尋於老境患風痺而未瘳時剝啄於
醫門求藥方而輟療苟如守其邊遠何以養此推顧豈無踴躍藝
黃賢之將以比肩稷契之輩伏望優納早辭遽充重寄則事
天事佛祈福復於無疆劄子劄孫竭忠誠於永世○鷄林赴任後再辭表伏
念臣之世家內外俱寒素無他技能但以句讀之學從事于國雖
無傑特驚世駭俗之為者以無獲譴于家國君臣之際而宸
縣代不絕嗣臣之祖世基與其伯仲皆知名當世我忠烈王褒

崇儒雅親試一時文翰之士而科第之曰天塲及第故相趙簡中
第一臣祖仲兄方衍為第二其第三曰世基臣之祖也餘皆名流
上每稱之曰吾門生越大德已及命故相金台鉉掌成均試申其
試卷臣父猜為魁上曰吾門生之子也早孤而傳父業為可惜也
即日除權務職遂登第出入史翰歷仕累朝位至宰相臣原餘
澤忠肅丙寅之歲踵世科名優荷仁恩俾從仕宦遭遇聖明
不數年間擢置奉詔大匡之列兵興已來如臣者無所贊襄
而城中舊廬為仁賊所火無所寄寓退處山林者有年矣然
區區之心未嘗不在王室明憲淨几敬焚一炷之香寶錄瑤圖
恒祝萬年之美庶以此為餘生日用耳豈意特頒鳳綵徵入

鴻樞驚惶赴石而拜恩僊勉隨行而懷恥將逃曠職之譏反
受分憂之命故再申辭未蒙允可敢專城於半月常馳應於
南山矧此邑一遺之所會機務實多毀譽易聞訟牒兩造既昭
然一正一邪決在一邊焉可以兩全兩備總今真邪已有恩讎
得以真故不為恩失以讎故多歸邪邪君冠臣帶之相須非所敢
也甫俸民膏之或謂是何免焉伏望諒臣之切憐臣之窮通
臣之所任遂臣之所希辭判下
第○李樞伏念韋布孤生詩書晚進謬忝
台鼎恒憂覆餗之譏利覲天庭終致失實之謗班行指笑罔
恭喧譁而穢也雖然閉戶以深藏面浮慚色安敢曳裾而高
步身近耿光蓋臣約束而下不從則臣不嚴下欺罔而臣不

知則臣不察不察則闇不嚴則柔天下豈有柔闇可當有為之
時而處具瞻之地者乎所以不俟終日乃乞餘生伏望曲照此懷俯
從所願則臣間居綠野吟風月之太平竊效華封祝君王之多

壽

辭大國憲
箋李憲

伏念通屬前朝之季名在黨人幸賴太上之知首

居原例謂將收用且使從便當上王之辭位為使介而朝天霜
雪脩途覺髮石之皓白風波巨海任性命之浮沉觸感傷神積
勞成疾盛於膏肓之如擣氣滯于臍腫則難興而肺腑受刺
痛之艱身其餘幾再迴從跋涉之役病既彌留顧將衰朽之餘
生偏荷霽沍之異渥猥居政府謚攝憲司鳴鶴在陰雖切味
聞天之響老驥伏櫪難伸知道之能况值可行之時悉為無用

之物伏望優布寬仁許從素願謹當雲吐霞納慕張子之養

精日升月恒効詩人之祝壽

辭免赴復花山君寬權近

竊伏念事君之忠事

親之孝臣子大節不可偏廢而有先後短長之異故孝經曰事親

孝故忠可移於君傳曰事親日短事君日長此古昔聖賢所以

原天理之正酌人倫之宜以立萬世之常訓者也臣於母存之日

晨昏之養多所闕失今罹山恫不能致哀雖帶衰麻安於食

稻子職之孝永已虧缺是在禮法所當棄絕又伏念臣本無狀

徒以章句末學盜竊虛名猥廁文臣之列濫為學者之師為

日久矣今若冒榮短喪墮壞聖法以玷風俗則臣平日立身之本

掃地盡矣將何術以裨國家又將何顏以訓後學哉奪情赴復雖

非貪然有禦侮之材治事之智者不得不然今者所以復臣爵位者非以使於禦侮也非以使於治事也惟謂粗知文墨而已文墨之事不必任於公府然後可辦也雖在表經之中苟有朝命敢不殫精竭力以供其職哉度臣之出徒壞禮法無補聖治臣之不出上可以供職下可以守禮臣子之道庶可兩全又況於禮父在為母廢表周年則臣表經之日其期甚短効忠於殿下之日為甚長矣伏望恢擴大度俯察愚情還收起復之命俾得表經之制以光孝治以勸風俗○又竊以孝為百行之源是帝王教化之先務表有三年之慘乃聖人禮法之大經無貴賤而皆同此古今之通義雖當金革而無避尚且麻經之不除故後世奪情

之所為蓋一時愛禮而非正韓魏公不以為朝廷之好事史丞相
用以招太學之群議幸遇聖朝特隆孝治禁臣庶易月之制伸人
子終天之悲人紀以修風俗斯美伏念諱以趨時久玷華班而不恥拙
於營產常資利祿以為生曾未荅於國恩遽自罹於家禍慈
顏見背泣血摧心月行甫周於三穀天澤忽霈於九霄俾仍封
君且帶館職上有君命雖不可俟駕而內漚親憂又安敢脫襄而
而出冒陳危懇敢乞終喪尚俞音之未蒙復新渥之存至十行
綸綍之詔榮承批荅之寵章而府政事之堂擢拜簽書之顯秩
感銘既極愧報彌深顧無急時之用何必短喪而行雖眷恩
之殊常恐公議之未合願循古禮以盡餘哀非苟欲其邀名

冀少禪於興化伏望推錫類之孝思寢奪哀於權典。

辭內禪
○尹准

王世子臣某言臣性資愚魯學問未成為政之方懵然無覺叨居儲副之任夙夜惕慮猶懼不稱何啻今日乃有付畀之命事出意外顛倒無措恭惟春秋鼎盛聖德方隆遽俵萬機欲以廟社之重委諸顛蒙之軀豈惟臣子之心倍切兢惶誠恐祖宗之靈有所驚動且以國家而相傳實惟國家之大事急遽乃有中

外臣庶罔不駭愕重念殿下立臣為後之時猶以不敢擅便奏

于天子況以軍國之重擅授於臣恐事大之禮亦有失矣伏

望察愚臣之至情慮國家之大計以慰宗社臣民之望。

再辭
免起

漢

伏以敷社陳辭冀遵禮制批章優答尚阻俞音伏念臣嚴

父早逝慈顏是依斬渠偏膝下之憐遊宦獎手中之線蘭陵罰
酷空傷隙駟之難留風樹悲纏蓋感林鳥之不若唯跂及表徑
之中制庶小酬鞠育之深恩甫過練期忽承綸命特除文史之
舊任又賜淳論之恩言然三年通喪乃萬世之大法則一時宸禮
豈平日之可行非徒無補於聖朝實亦有虧於名教。懷信表。臣崔致遠
以當國雖辭墨之蟠桃接境不尚威臨且夷裔之孤竹連疆本
資廉退矧假九疇之餘範早熟八條之教源言必畏天行皆讓
跡蓋稟仁賢之化得符君子之名故遘豆饒田鉞矛寄戶俗雖
崇於帶劔武誠貴於止戈爰從建國而來罕致反城之釁而及愚
臣從守諸患併臻始則黑水侵疆曾噴毒液次乃綠林成黨

競艤狂氛所管九州仍標石郡皆遭寇火若見劫灰滄海之橫流
日甚崑岡之猛焰風顛致使仁鄉憂為痼國此皆由臣守中迷道
馭下車方鵠集津鄉於鳩林魚鼃勞形於鯨水況乃西歸瑞節
則鷁艦平沉東降冊書則鳳輅中輟阻霜膏雨虛費薰風
是在誠動於天實懼罪深於海久苦兵戎仍多疾癘深思自
適其適難避名親其親竊以臣姪男嶢是臣亡兄最息年將
志學器可興宗山下出泉家能養志丘中有李衆志思賢近已
俾權藩寄用請國災然帑廩一空津途四塞槎不來於八月
路猶復於九天不獲早託梯航上聞旒宸禮實乖闕情莫遑
寧臣每思量力而行輒遂奉身而退自用自落竊媿狂花匪

斷非雕聊全朽木所顛恩無虛受位得實歸

漢官清
致仕表

伏以聖

君御宇必先塞彼倖門喪士省躬唯慮妨其賢跡苟速官諫
是辜主恩臣少勸琢磨晚師擒縱石以一經介意粗於三畧留
心先皇帝念臣既直試以諸難出分左將之威權坐受上卿之
爵秩北掃虜塵則胡雖不敢南牧南清獯海則蠻獠無由北
窺伏遇纂臨宸極警諭戎藩舉旌鉞以分榮聽鼓鼙而
軫念謂臣有戢兵之奇畧察臣立降寇之微勞遂令位假中台
名徧外相夢想既通於鳳沼威稜益峻於龍旌其後瀘水
波驚蜀山霧暗又蒙命臣曰俞為師於彼爰遵薄伐得解倒
懸豈敢貪天之功願銘鐘鼎祇純因地之利剏建溝隍不料

當荊門失守之時乃楚塞宿兵之際忝趨戎旆兼綰宰益尋
提招討之權來撫句吳之俗遠憑睿累深挫群兇解印海門建
牙淮甸上將軍之劇任首冠列藩大司馬之雄資先沾宥禮
端頂踵而偏濡雨露扼咽喉而莫效涓埃且自黃冠憑凌翠
華巡狩仰天戮力它耦當伏王導之言終日痛心何止灑袁安之
淚及至成軍已出又緣奉詔却迴行藏雖順於綸詞進退實
懸於物論云每慮於俱熱金土憂於衆鍊幸蒙涵之以海量
炤之以天光如見肺腑得保首領今者大憝奔逃上京克復氛
祲即當殄滅寰區永見廓清臣有忝登壇壝純報國行當
暮齒居忘胡顏當年而靡憚勤劬晚歲而皆成疾瘵石將

筋力為禮既載前經苟或身心自憊難逃後患伏惟知人為哲
多士以寧選英才而代處是邦俾微臣而退居故地幸遇舜風無

外漢日再中陛下既已除盱食之憂微臣亦希免夜行不息

讓

此面與馬使判中軍
岳馬事表心金富執

軍旅之事非書生之所知將帥之謀豈懦者之能

預臣壯而從仕既未效於長才老矣無能又何堪於大用偷榮竊

位靡所資養省已知難但思老退況今黎民貧殘而財力俱

屈隣國橫恣而形勢自強非因循姑息之時實奮勵有為之

日宜得一時之傑萬夫所望委以閫外之權符於師中之吉然後

禍難不作安平可期如臣之愚無用而可伏望終身而無遠譴國

以暫超願得橫行恐禁噲之生事莫如自理取杜牧之論兵急

於慎簡以得人使之好謀而防患有依俾乂期寢致於其昌

自知者明得以安於乃分

陳參知政事
別戶部事表

臣世系卑平天資魯鈍

剗心學道自慙子夏之儒探翰為文未入相如之室因緣仕路

汙穢宰司鐵石心腸誓事君之直道斗筭器局迷徑國之遠

局當軸秉鈞孰云其可投閒置散皆謂之宜遽沐異恩進

叅大政官高則責必重名過則毀亦多既施命於外庭方見

彈於憲府風聞仁實言之則謂當然浪說構虛訴者何其甚

也雖聖判其曲直而物議處其嫌疑只宜收拙以避賢豈可偷

安而懷寵伏望至仁天覆雄斷雷行調琴瑟以不膠反絲綸於

如綽大厦之構須揀用於棟梁駕馬既疲恐不勝其鞭策。

讓東宮侍講學

士表○李○之○氏

竊以太子之善在慎於近人學士之官固稱其高

選是禮義所由出非文章不取他於漢所傳有劉向周堪之
故事在唐之盛以叔牙無量為得人矧粹王之在宥有孰嫡之
元良聰敏如神蓋本生知而天縱光明於緝山豈惟日就而月將
炳然羽翼之成重矣宗祧之繫惟終始典于學宜左右得其賢
如臣之愚賦性惟拙粗守古人之學有慚大方之家據經論理則
昏冥冥轉而不知歸下筆為辭則齷齪短疎而無足觀徒以
竒遭於先代幸而濫竊於賢科繼誤聖知驟蒙拔擢豈期詞
命之職遽屬莊蒙之人名浮於實烏可得無慚器溢則顛若
之何而不懼況先進固多於賢俊又後生不之於英豪康滌善述

通才也而見黜於中書知常高文大手也而久潛於郎署以公裕之
終而尚滯稠人之後以權適之學而未得三字之除若此等流不可
勝記皆臣所不能及是人亦復有言迺以庸資猥當賢路群
情駭笑而笑允衆口喧然而不腐此臣所以躊躇難安彷徨未就敢
陳丹悃控告嚴宸者也重念臣世篤忠誠家傳戒訓臣祖之於
顯廟三戰三捷而獻功臣父之於裕陵一心一德而底績庶幾克
承於遺緒居常策勵於懦衷直道而行師心自信遇事輒
言其臧否与人不肯於浮沈忤彼要權中於諛慝仰頌明王之
至仁得有餘生於今日然精神既喪於無極之說學術又荒於蒙
辱之中啓講讀^於崇賢夫豈徒稱侍謨聞於博望之非所宜不

終引分而退安謂是貪榮而冒憂伏望用才不適于宜必拓
尤而速咎昨命苟當於理何反汗之為疑惴小技之易窮察
至誠之非飾更求博識之洪儒俾奉東儲之經席則重輝燭
遠豈徒萬國之貞私義獲安抑六微臣之幸○陳同知貢舉表○李奎報伏念臣

寂蒙之性涉獵之儒講業未精君屢耕而求獲著詞多誤恒操
末以續顛少本寡於聰明老益加於遲鈍粗將膚受之末字妄播
翰音之虛名至忝聖知夙忝朝綴豈意仁明之眷俾提選奉之權
昔嘗典試於成均世多譏者今復主盟於宗伯孰曰宜哉為貪自榮
勉就斯任雖欲不迷於揀採固難遽革於昏愚士林之騰謗也
猶可任聞聖朝之失賢也實非細事○陳銀青光祿大夫樞密院副使
左散騎常侍寶文閣學士表伏

念天資拙訥人品妄庸為文多狂蕩浮夸之辭行已寡矜持慎重之
德世皆目薄行之輩臣亦無遠到之期久冀除官徒有戢鱗之嘆晚
方洗宦尚稽驤首之驅幸邁昌期始忝要職雍容樂省之選密勿
花輅之步或玷泮宮之師席或司秘閣之天書此皆踰分之榮縱難
謬處既曰業文之任幸或得居其帷幄預謀台衡垂體本欲待經
綸之佐未宜容腐爛之儒况復珥於貂璫而獲陪於輦乘臣本無
所效何有以除因反覆思之則臣唯於國之與達朝交好已來專以文
翰委之常耗竭精思粗修不腆書牘而已若考績則以特委筆
通戎之薄勞也不足為叨及受賞則乃與奪旗平賊者同昇而彼反
在下辭與可藉賴得無慙。初度讓封王師表沙門臣某言禪栖僻陋忽迎

使者之率聖訓丁寧將致師哉之禮伏念性靈至淺戒行素虧
早業宗乘心未傳於祖髓歷持名寺口徒費於土毛每緣國主之
眷恩至踴僧門之峻品虛蒙雨露無補涓埃掛想山林常有拂
衣之志貪恩輦轂尚稽飛錫之遊豈意宸衷適遵舊典過錄
朽殘之質欲崇體貌之儀自顧孱資福本微於盈眦如當重任
禍可畏於生胎益為憂罔知所措况疾病老而彌劇故身體
日以益衰雖欲勉從實難耐處伏望追還成命更擇異姓世不乏
人當有彌天之德臣徒安分免貽代匠之譏。任相公滿讓樞密副使吏部尚書表雨露無
私本不盡汪洋之澤瓶甕有局恐自貽傾覆之虞伏念早緣科
第誤玷官班學不熟精與實做對廳之辯性唯質直慕石立

書馬之謙幸沐厚恩驟登重位十年批鳳於唐麻紫踰涯今日
放鶯於五谷望校生平皆非由錐穎之才第自托葭莩之幸敢面異
獎又集孱軀俾綴柱司之峻資復兼選部之重柄若又冒處必
將疾顛昔者庾亮受中書乃拜章而牢讓羊祜遷開府抗表
以固辭此皆外戚之羽儀群臣之領袖非不任股肱之寄猶恐生肺
腑之嫌況臣無德可稱無勞可記雖天意之至公懼物議之喧沸伏
望追寢殊尤之寵更推英偉之人。鍾銀青光祿大夫書右僕射翰林學士承旨表公崔沔伏念孤
寒寡助朴訥無文效兒輩斷旬之末徒未嘗任術以先祖興儒之餘
烈幸捷科名由四門入於玉堂歷兩階升於粉署刺史按廉之馳事
也駑駘逐電直講待制之翔貴也鶯鳩博風尋遷卿府始闢文

場朝才荐棘之閑闈暮即採薇而遣戍方辭朝列別帝御批仍
三字除祭酒之官滿蜀拜司成之職兼持霜憲屢搜米衡未遑
聞芸閣之天香而復踐花埭之日影於一年之五轉實千古之罕聞
矧今右轄之崇資最是中朝之偉望雖循資當受如臣愚者缺
然况越序無難奈物議之何若伏望更選老成之德俾充端揆之
司。謙同和貢奉表心李百順竊以易序拔茅詩稱代木呦之鹿聚食野苹皎之
駒繫留塲藿是薦賢而助國六引類以立朝然而奔競夙行公平
道息須階提衡之手可分抱壁之才夫豈冬烘所宜曉釋伏念小庾
先業晚遇華辰拖紈紵朱章詣文章之列抽黃樹白不離詔誥之
司裁詞既慢若雲多草書檄忙如雨速豈期誤眷更賜殊榮去

夏用司馬之闡措顏無所今年掌春卿之試何力易堪皆謂無能為

也自知不敢當之伏望收星歌於下俚不聽哇聲委斤斧於公輪終

成大廈平章事李藏用讓伏念才微峭鯁性滯怯虛但因手卷之

勤粗避面牆而立徑書圖奧雖未終於折肱翰墨膏腴頗膏得

於染指幸逢盛際備歷賢途泰華資於蓬館壁宮兼美拜

於玉堂綸院內言宸陞鴻樞鳳閣之歷登結好隣庭鵲戟寓輿

連奉以處論思之地訖微報效之能况殘年已迫於告歸而塞骨

方期於就逸豈意蟬貂之極寵又加駕驛之親聵任既難勝猶

負重者伏望將是反於誤恩倘更探於多士漢家儒學豈戴馮之

獨專唐代忠貞如稽劬者不少尹克敏讓知樞密院事竇伏念品

文因大學士太子賓客表

識庸虛文辭淺薄爰自耽潛之際幸叨龜遇之緣早居矢石之
園謹裁書檄多閱絲綸之寄至捥柅機乃招盈冠之尤當抱
負薪之疾體氣衰羸而進退逢波精神罔耗而應對踈蹉所恨
逢盛代之重興未任致微勞而少輔西鷄之一鳴之效跛龜難千里
之行徒慚豐廩之坐糜但冀殘軀之奉退何圖睿眷復授魏寶
宗政院中俾得知其事矣學士班上又加大以崇之申以四賓昵于
二枚臣尚自驚於濫賞物誰不謂之妨賢伏望追收誤頒更徇金
議大明益著於能官罔浮一厭職淺董唯甘於自局將適其安○
大司成柳敬輿樞密院右副原宣
左右衛上將軍依前知制誥表 聽鼓則思方墮殊恩於天上挈瓶之
智愧四重委於山西竊以惟中宸之環衛廼上將之斗宗凡武

士之階升雄偉必無雙者况儒臣之帶處古今能有幾耶如臣
者粗業文章諒微智勇早費聖明之眷脩更華緊之聿
義不忘君常憤季孫之擅魯忠以奉國竊希周勃之安劉
一朝奮勢以唱呼群士如期而務焉集殲陽矣權之孽豎洗
清累代之腥妖茲乃乘陰消陽進之期人神共贊履否往泰
來會社稷同休蓋由盛德之使然夫豈臣能之若是何異
涖愛越常鈞紫遇踰日接之三寵錫甚朝加之九俾典唇喉於
鳳陛仍兼首領於駟班將殫力以都劇權自知未稱銜微切而
市大賞人謂如何伏望旁招以廣得路上符注意之求既登而
知降階下獲提身之幸也

左將軍同職讓
知御史憲事表

臣自離母乳常聽祖言

凡諸儒伸無一毫不是君德苟利社稷雖萬死莫以親辭會臣
始仕之時是國多艱之日寸舌溝和於強敵孤軍定難於逆民忠
孝兩全微息但祈於拮北叨名萬幸殊恩直許以搜西諸侯笑
晏嬰身不滿尺長舊將笑栢直口尚有乳臭青衫數載愧登
漢傑之壇白首幾人虛老嗟等之伍顧如栢署摠任霜威萬
乘立動止有可威規百官之非違六皆彈糾寧闕乎位必待其
人況今承爭戰之餘民情未定非舊有老成之德物望如何豈
意庸資謬膺斯寵伏望知人為急恕物以宜聖德益明風猷
所過者化庶官無曠文武各盡其忠

太皇太后進
奉表○李類

恭惟慈和毓

粹淑哲凝姿德配虞嬪早騰芳於彤管切高文母永疏化於綿

區凡云同軌之邦盡展奉琛之禮臣僻居青徼生遇明時仰皓

月之麗天逾增企慕效纖塵之裨岳庶達勤誠遂馳專介之行聊

致遠方之產願矜至懇曲示兼容

代女真取其地等設城池
實入丁戶於獻以表林彥

臣權言聖

上以東女真背逆作亂將欲同罪懲惡幸御西京於祖真殿前親

授臣鈇鉞臣受命分兵四道而行出軍急擊大破平定就等城池六

所奏依聖旨定名訖一曰鎮東軍威州大都督府充一千九百四十八

丁戶二曰安山鎮軍英州防禦使充一千二百三十八丁戶三曰寧海軍雄

州防禦使充一千四百三十六丁戶四曰吉州防禦使充六百八十丁戶五曰

福州防禦使充六百八十丁戶六曰公嶮鎮防禦使充五百三十二丁戶

各令守禦者聖人之德允合於乾坤仁義之兵已平其夷狄竊以

潛伏奧區寔繁醜類遠從南祖曾之世嘗被我朝家之恩狼貪
寢畜其叛心大吠頻狴於外戶侵軼閭閻塞寇攘士民先王故憤而
欲伐陞下方繼而為蜀以兵危故始憚裁施以謀衆故終歸滯泥
然而策腹負者存乎熟知寢通者貴乎時事機可乘聖智獨
照先休吾士卒以觀其可用繼慮彼虛實以指其必擒乃命元戎
亟行大戮而臣受節鉞之制率鉦鼓而行氣動於軍威加於敵江
河注壑寸膠石絙以防之礮石轉峯虛邪決然其破矣俘虜踰於
半萬斬馘近於五千委積散於岡岡奔走交於道路山川險阻城
池因得以高深原野膏腴田井亦從而耕鑿在昔人求而未得者今
茲天與而既取之上足以謝宗廟在天之靈下足以雪朝廷積年之恥

且彼周王檢祝之代漢帝還奴之征所以拓土開邊而得為民去
害比之今日宜在下風此豈微臣淺智驚材得成巨效實由陛下
聖謀神美坐定遐陬苟非其然孰使之笑伏乞命書史冊垂耀
無窮

卷之六

四三金堂五十四

...

